

CHRISTOPHORI  
A COSTA, MEDICI  
ET CHEIRVRGI

*Aromatum & medicamentorum  
in Orientali India nascentium*

L I B E R:

PLVRIMVM lucis adferens iis quæ à Doctore  
GARCIA DE ORTA in hoc ge-  
nere scripta sunt.

CAROLI CLVSII ATREBATIS opera ex  
Hispanico sermone Latinus factus, in Epitomen  
contractus, & quibusdam notis illustratus.



ANTVERPIÆ  
Ex officina Christophori Plantini.  
M. D. LXXXII.

Chapel Hill  
University of North Carolina

# ILLVSTRISSIMO<sup>3</sup>

PRINCIPI AC DOMI-  
no D. Wilhelmo Landgrauio Haf-  
six, Comiti in Catzenelnbogen,  
Dietz, Zigenhain & Nidda, &c.

Carolus Clusius A.

**P**RODUIT in lucē ante  
bienniū, Illustrissime  
Princeps, CHRISTO-  
PHORI A COSTA Burgensis in  
Hispania Medici liber, aroma-  
tum & simplicium quorundam  
medicamentorum in India na-  
scientium historiam complectēs.  
Eum superiore anno in Bri-  
tānica mea peregrinatione ami-  
cicuiusdam opera nactus, non  
modò auidè percurri, sed vtilita-  
tem etiam allaturum censui iis  
qui Hispanici sermonis ignari

A 2 sunt,

## EPISTOLA

sunt, si latinum facerem. Quam  
sanè prouinciam vt susciperem,  
impulit me natura , quæ simi-  
lium rerum cognitione mirificè  
semper oblectata fuit.

VERVM, cùm totam histo-  
riam cum iis quæ GARCIAS AB  
ORTA multis antè annis in eo  
genere cōmentatus est , diligen-  
tiùs confero , pleraque ferè om-  
nia ex illis desumpta esse depre-  
hendo. Quamobrem & inanem  
fore laborem, necnon lectori fa-  
stidium pariturum existimauī,  
si , quæ in Aromatum historia  
GARCIÆ extāt, hīc retexerem.

SERIEM itaq; capitum im-  
mutans, quę admodum confusa  
erat, & totum opus in Epitomen  
contrahēs, ea duntaxat latio do-  
nauī,

naui, quæ apud G A R C I A M non extare, aut paulò aliter ab eo describi animaduerti.

I C O N E S præterea , quas ad viuum expressisse passim gloria-  
tus , suis locis insperserat , reieci ,  
quoniam planè ineptæ essent , &  
nihil minus , quām legitimas stir-  
pes referrēt : vti ex ynica Caryo-  
phyllorū arboris effigie ( quam  
idcirco intuli , vt cum legitima ,  
GARCIAE adiecta , conferre li-  
ceat ) quilibet iudicare poterit .

Q V I B V S D A M insuper notis  
nonnulla capita illustravi , vt in  
hoc genere soleo , præsertim cùm  
quid simile , vel etiam diuersum  
apud alios Auctores legere me-  
mini , aut ipsa experientia didici .

T E N V E M porrò hunc labo-

A 3 rem

EPISTOLA DEDICATORIA.  
rem Illustrissimā V. C. benignè  
suscepturnam certò statuens, ip-  
sius nomini cōsecrare non sum  
veritus, cùm quòd *Botanik* stu-  
dio summoperè delectetur, tum  
vt aliquid saltem grati mei erga  
ipsam animi specimen extaret,  
pro singulari illa qua me proxi-  
mè Cassellis excepit, humanita-  
te, atque insigni qua disceden-  
tē prosequutus est munificentia.

DEVM autē opt. max. oro, vt  
Illustrissimę V. C. omnia prospe-  
ra clārgiri dignetur. Viennę Au-  
strię Cal. Ian. M. D. LXXXII.

CHRİ-

CHRISTOPHORVS A  
COSTA CHRISTIANO ET  
PRUDENTI LECTORI.

**M**NES homines scire desiderant, inquit Philosophus principio Metaphysices. Tanti apud me fuerunt ponderis ea verba, beneuole lector, ut, relictā patria, per varias regiones & prouincias, sapientes & curiosos quærere instituerim, à quibus singulis diebus aliquid noui ediscere possem: quēadmodū olim fecerunt multi prudentes viri, referente D. Hieronymo in Bibliorum præfatione ad Paulinum.

CUPIDVS itaque fructū aliquem colligendi ex meis longis peregrinationibus, cura fuit, vt diuersis in regionibus & prouinciis, plantarum, quas Deus ad humanam salutem creauit, varietatem obseruarem.

PORRO in Orientali India, in D. Garciam de Orta, Medicum Lusitanum incidi, virum grauem, rari & excellentis ingenij, cuius laudes prætereo, quoniam tantæ sunt, vt cùm multas enumerasse existimarem, multò plures me subterfugerent.

SCRIPSIT is librum Lusitanico sermone, cui titulum fecit *Colloquia de Simplicibus, Aromatibus, & Medicamentis In-*

diæ, tum de quibusdam fructibus istic nascen-  
tibus. Ut autem eo libro de variis medica-  
mentis, plantis & aliis rebus humanæ saluti  
necessariis agit: nonnulla etiam vñibus hu-  
manis inutilia attingit, Dialogismorum na-  
tura ita postulante, vbi collocutores plerun-  
que diuertere, & extra septa ferri consue-  
re. Sed & plurimi errores passim occurunt,  
quos tametsi Auctoris existimatio & laus  
ipsi tribuēdos minimè patiatur, sed typogra-  
phi & operarum (quæ in ciuitate Goa, vbi  
ille scripsit, non adeò cultæ & expolite inue-  
niūtur vt in his regionibus) potius negligi-  
tiæ: lectori tamē molestiā & tædiū pariunt.  
Aliud præterea libro deest, quò minus omni-  
bus numeris absolutus censetur, nimirū pi-  
cturæ & plātarū de quibus agit effigies: quas  
grauioribus & maioris momenti, vt credi-  
bile est, rebus occupatus, inserere nō potuit.

C E T E R V M nostris hominibus eum li-  
brum multum profuturum existimabam, si  
ad earum rerum quæ in eo bonæ continen-  
tur, notitiām perducerentur, subiectis ob-  
eorū oculos exemplis & picturis: neminem  
autem id facile præstare posse, nisi qui eas  
suis oculis conspexisset, & expertus esset.  
Itaque patriæ prodesse cupiens, & in meos  
proximos amore compulsus, eum laborem  
in me recipere, & singulas stirpes integras ad  
viuum exprimere constitui, multis aliis re-  
bus additis, quas ipse conspexi, Doctor verò  
de Or-

de Orta ob iam dictas causas non potuit.

NON me fugit quanto me periculo exponam, præsertim hoc sæculo, quo hominum nequitia plurimum imperat, & ea plenarunque reprehendere solet quæ non intelligit. Sed id me consolatur, quod plurimos sapientes viros eodem vado trâsiisse certū sit: quos si eiusmodi metus deterruisset, multa hodie ignoraremus, quæ summa industria, ingenij felicitate, & diligentia, in bonarū literarum cōmodum posteritati reliquerunt.

ET licet cum iis minimè sim cōparandus, meaq; audacia eo maior appareat, quod de nonnullis erroribus agere instituā, qui inter Gr̄cos, Arabes, & Latinos circa plantarū & aromatū cognitionē cōmissi sūt, partim eorū negligētia, partim etiā quod eorū medicamentorū natales cōspicere nō potuerint, sed ex incertis aliorum relationibus dūtaxat excepterint: venia tamē non indignus cēscbor, si de his quæ meis oculis cōspexi, certissima & verissima hoc libro cōprehendere coner.

VT verò hunc laborem susciperem, gloriæ cupido non me impulit, aut ut doctrinæ maior laus quam mereor mihi tribueretur: sed vnicus mihi scopus fuit, ut tuis cōmodis sincerè inseruirem. Certò autē mihi persuadeo, etiā si vtilitatē minus fortè laudes, boni tamen consulturū diligentia & labore, neq; improbaturū meum animū, qui tam lōgis & variis peregrinationibus ea cōspicere volue-

A S              rim,

rim, quæ alij ex solo auditu descripsérunt.

N E C inficias eo, quin hęc elegatiore stilo  
tradi queant: verūm certā veritatē expolitis  
verbis longè præferendā esse censeo. Eam ob  
causam te rogo meam voluntatē, vt i decet,  
excipias, neque operis exiguitate mouearis:  
nam licet moles exigua sit, magna tamen in  
eo continentur. Quod si quædā occurrit,  
quæ tuo palato nō arrideant, ea tanquā pru-  
dens omittito, & illud cogitato me tibi soli  
non scribere, totq; esse opiniones quot sunt  
homines: namq; fieri poterit, vt quæ tibi in-  
grata erunt, alij probent. Id si effeceris, cura-  
bo vt aliū maiore librū in mediū proferam,  
reliquas herbas, stirpes, fructus, aues, anima-  
liaque cum terrestria tum aquatica, quæ in  
illis prouinciis, tum etiam in Perside & Chi-  
narū regione inueniūtur, haec tenus ad viuum  
non expressa, & de quibus parum admodum  
scriptū est, cōplete: alia item obserua-  
tione digna, quæ tibi forsítā magis arridebunt.

F I N E M itaq; faciam, in omnibus docto-  
rum virorū & candidi lectoris censuræ me  
subiiciens, qui ea duntaxat quæ norunt, aut  
quæ decet reprehēdere solent. Eos verò qui  
inuidiæ stimulis agitati contrarium facient,  
obsecro, vt sumpto calamo primūm aliquid  
scribant quod in lucem proferant: tum de-  
mum enim intelligent, quanto facilius sit  
carpere, quàm bene scribere quod omnium  
oculis exponendum est. V A L E.

CHRI-

# CHRISTOPHORI

## A C O S T A

### Aromatum liber.

DE ALOE.

**F**O LI OR V M Aloës vſus familiaris  
admodum eſt ad aluum purgandam  
in prouincia Malabar; exhibentur q̄, sine  
metu non modò pueris, ſed etiam gra-  
uidis mulieribus in hunc modum:

FOLI OR V M vncias tres in fru-  
ſta ſecant, & addit is duabus drachmis crassioris ſalis, lento  
mitiq̄, igne coquuntur donec feruere incipient, colantur,  
colatur & additur ſacchari vncia vna, tota q̄, nocte ſub dio  
relinquitur; poſtridie manè circiter ſextam propinant fri-  
gidam iſtam aquam ei quem purgare volunt, ſomno q̄, ab-  
ſtinere iubent, deambulationem verò per cubiculum per-  
mittunt, ut celerius medicamentum operetur: tribus dein  
de horis ab aqua haufta, quatuor vncias iuſculi gallinacei  
cum aliquot granis Maſticis exhibent: poſt horam edit  
& bibit vinum dilutum. Porrò augetur vel minuitur doſis  
foliorum & colatur & pro eorum qui id medicamentum  
ſumpturi ſunt natura & viribus: neq̄, minus familiaris eſt  
hec purgandi ratio (præſertim delicatulis) quam Manna  
aut Cannæ firſtula recens pulpa; & quod magis mirum eſt,  
reliqua officinarum medicamenta præ iſto reſpuunt.

CETERVM eodem ordine, quo nos in Europa, In-  
dici Medici purgantia medicamenta exhibere ſolent, ſiue  
ſolidioris, ſiue liquidioris ſint ſubſtantiae, videlicet ipsa auro-

ra, &c.

Foliorum A-  
loës vſus.

Malabar  
prouincia.

Foliorū A-  
loës confe-  
ctio ac doſis.

Eteā ſumē-  
di ratio.

ra, & deinde quinq<sup>z</sup> horis ab eſu, potu, & ſomno abſtinent.  
Quo tempore ſi non purgabitur æger, ex Auicennæ precepto  
Masticheſ drachmas duas ſtillatitia roſarum aqua diſſolu-  
tas ad roborandum ventriculum dant, aluumq<sup>z</sup> inungunt  
bubulo felle, lineoſq<sup>z</sup> pannoſ felle madenteſ ventri imponūt,  
ad proritandam expultricem facultatem, ſi neceſſe fit. Si  
verò bene purgabitur, poſt quinque illas horas à ſumpto me-  
dicamento, treſ vncias iuſculi gallinacei tepidi exhibent,  
pretere a nihil; deinde ut aliquantulum dormiat permittūt,  
& paululum aquæ roſacea bibat: etenim à ſomno ſuſequi  
ſolet commoda purgatio, atque plurimum roborari aſſerūt  
facultates naturales, iuſculo illo, ſomno, & aqua roſacea.  
Nam ſi liberalior permiſſe retur paſtus, naturalis facultas  
in eo concoquendo occuparetur, tardioremq<sup>z</sup> purgationem  
moſiretur.

HIC eſt uſitatiōr medicandi modus inter eruditiores  
 Medicos earum Prouinciarum, qui rationi maximè con-  
 ſentaneus eſt: etenim fel foris adhibitum ſolutiuum eſt, ir-  
 ritando expultricem facultatem. Carnium verò eſus non  
 confeſſus fulcitur auſtoritate Auicennæ.

## DE OPIO.

Opij uſus,  
vbi & cuinā  
rei commo-  
dus.

VULGATISSIMVS eſt apud Aphricanos & Asia-  
 ticos Opij uſus: & eius eſui ita affueuerunt, ut etiam abſti-  
 nere eo nequeant ſine manifeſto vite diſcrimine. Id ipsa ex-  
 perientia comperi dum Indico mari in Lusitaniam redi-  
 rem. Etenim eadē nauī vehebantur captiui Turcuſ quidam  
 natus in Aden, & alijs quidam cum Turci, tum Perſa &  
 Arabes, qui clam aliquantulum Opij ſecum detulerant,  
 quo propter penuriam veluti medicamento uſi erant. Eo  
 abſumpto, Turcuſ ille Adensis ad me, Heuſ tu, inquit, qua-  
 doquidem curandorum ægrorum in hac nauī prouincia ti-  
 bi data eſt, certò ſcias, niſi mihi & meis ſodalibus Opium  
 præbueris,

4. Primi.

Quę poſſunt  
id medica-  
mentum e-  
tiam iuuare.

223. tract.  
2. cap. 23.

præbueris, bidū nos non superuicturos. Cūm verò negarem Opium me habere, respondit: Illud ergo esto vnicum remedium, quo nos, qui Opij esui assueuimus, liberari queamus, si singulis diebus manè vnicuique puri vini haustum propines, licet nobis admodum arduum sit & tædiosum, quòd nostræ legi aduersetur: sed quoniam nostra salus ex eo dependeat, necessariò ferendum est. Ex illius itaque præscriptio vinum omnibus dedi, liberatiq; sunt, & intra mensis spaciū, vinum amplius gustare noluerūt, nec illis obfuit Opij defectus, cuius usus iam in desuetudinem abierat: imò cum illis deinde & vinum & etiam Opium dare vellem, neutrum cupuerunt.

## DE LACCA.

LACCAM verò in puluerem redigere solent eius regionis incole, deinde colliquare admiscereq; quem cupiunt colorem, rubrum, viridem, nigrum, luteumve; poste a vel in bacillos tenues conformant, quales sunt qui in Hispanias adferuntur ad obsignandas literas, vel in maiores & crassiores, ad usus mechanicos. Nam qui torno lecticas, sedes, vel alia queuis ex ligno cōficiunt, si colore inficere cupiunt, solent ea in torno versare, crassioresq; bacillos Laccæ admoveare, quaceleri illo motu liquefciente ligna elegante Laccæ colorem recipiunt multis annis durabilem.

A V R I fabri autem & argenti fabri vasa sua vacua (vt firmiora, elegantiora q; reddant) Laccæ puluere implere solent, eaq; deinde igni admouere vt Lacca liquefcat, postremo refrigerari sponte sinunt, vel aquæ immergunt.

C E T E R V M adulteratur interdum resina & cera: sed adulteriū facile deprehenditur ex odore & molitie si frangatur aut vratur.

P O R R O Laccam non esse Dioscoridis Caucatum, vt Serapio arbitratur, Amatus Lusitanus Commentariis in primum

Laccæ confi-  
ciendæ ra-  
tio.

Et eius vtili-  
tas.

Quomodo  
adulteretur.

Lacca nō est  
Dioscoridis  
Caucatum

14 CHRISTOPHO RI A COSTA  
primum librum Diosc. enarrat. 23. probè annotauit, ubi duo  
Lacca genera describit his verbis.

Caucamum  
à Lacca di-  
gnoscendi  
ratio.

Dialacca.

Lacca artifi-  
cialis

Et eius usus.

Q V I C V M Q V E Caucamum Laccam esse putarunt,  
mirè errare deprehenduntur: cùm Caucamū gummi odoriferū sit, Lacca verò siue commansā, siue suffimentis expedita  
inodora percipiatur: quam hodie Lusitani ex India adferunt  
rubram, translucidam, tincturis præcipue deseruientem (&  
ex ea Officinae compositionem quandam præparant, Dialac-  
cam appellatam) quæ ut certò scimus, non gummi, aut arbo-  
ris plantæve alicuius gutta est, sed potius formicarum alata-  
rum stercus fauagóve, velut cera apum, &c. Et paulo post:

E S T verò alia Lacca artificialis, quam infectores pan-  
norum vendunt, quæ ex face Brasiliæ, Verziniæ dicta & cocci  
resultat: quam pictores pro conficiendo colore rubro obscurō  
maximè vtuntur. Hac verò Serapio inepte admodum cum  
prima confundit Lacca: vnde hodie multi impudentissimo  
errore, Serapionis autoritate seducti, eam in compositione  
Dialacca miscent.

## D E C A P H V R A.

Tabellæ ex  
Caphura li-  
gno confe-  
cta.

Caphura de  
Burneo pre-  
ciolior Chi-  
nensi.

Cate.

Bar.

H A B V I tenues admodum fritillitabellas, cum pyxide  
qua adseruantur, ex Caphura ligno confectas, vii ex odo-  
re facilè deprehēdi poterat: nunquam tamen Camphoram  
exsudabant, at si manibus tractarentur, solummodo Cam-  
phoræ odor in eis maior spirabat.

P O R R O Caphura de Burneo cùm multò pluris affi-  
metur, præstantiorq; sit Chinensi; per Cates (est verò Cate  
pōderis genus viginti uncias pendens) vēditur, Chinēsis au-  
tem per Baras, estq; Bar pondus circiter sexies centena libras  
pendens. Valet etenim eius quæ ex Burneo aduehitur libra  
vna, quantum Chinensis centenæ librae.

C V M itaque illius tam vile sit pretium, planè explo-  
Rex China denda eorum est opinio, qui illam à Rege Chinarum adi-  
terari

terari arbitrantur, quandoquidem vnuis sit ex potentissimis totius orbis Regibus: de quo eiusq; proxincis si quis sermonem instituere cuperet, magnum volumen conscribat oportet. Nam si Regni amplitudinem, incolarum frequentiam, politiae & gubernationis excellentiam, & diuitias species; nullum aliud in vniuerso orbe est Imperium quod cum Chinensi comparari possit. Et haud scio an quispiam tam confidentis sit ingenij, vt eorum qua istic excellentia, & perpetua memoria digna sunt, historiam conscribere adgredi audeat, cum omnia longe famam relationemq; omnem superent. Si quis tamen partem infinitatis eorum qua in China obseruada sunt, scire cupit; legat librum quem de ea conscripsit Reuerendus pater Gaspar de Cruce Dominici ordinis monachus.

Vt verò è multis mercibus qua ex Chinarum regione aduehuntur paucas perstringam, sunt argentea vasa diuersi generis summa arte & diligentia elaborata, omnis præterea domestica supellex, vt lectice, spondæ seu lectuli ad recumbendum ex argento sculpto & diligenter elaborato: maxima quantitas sericei fili, sericeorumq; pannorum, plurimum aurum, moschus, vñiones, argentum viuum, æs, minium, murrhina vasa plurima, quorum nonnulla duplo estimantur argenti pondere, & pleraque alia cum ad humeros usus necessaria, tum ad luxum & ornatum. Ego sane inde habui binas thecas ex solido argento cum omnibus instrumētis chirurgicis maioribus & minoribus, vt sunt cauteria, specilla, malleoli, &c. ex argēto confecta & exornata summo artificio, vt nullus argēti faber non miraretur.

## DE M A N N A.

PRÆTER ea Mannæ genera qua à doctissimo ab Orta descripta sunt, aliud in Ormus venale conspicitur, quod in variis India prouincias defertur, quodque glebis Et eius fā paulò cultates.

rum potentissimus.

Et regni præstantia.

Gaspar de  
Cruce Chi-  
nensis histo-  
riæ auctor.

Merces qua ex Chinarū regione ad-  
uehuntur.

paulò maioribus constat quām Calabrina, neque ita candat; id valēter purgat, & quoniam magis solutuum est reliquis generibus, minorisq; est pretij, vulgus præfert, eoque plurimum vtitur. Diligenissimè autem ab humiditate conservandi ratio seruari debet, alioqui facile corrumpitur. Compositum autem esse medicamentum, sic deprehendi.

Cochin ci-  
uitas.

Eius manna  
compositio.

Dante.

Manna a-  
dulteratur.

**M V L T V M** eo vtebatur Medicus quidam Brachmanes meus familiaris, degens in ciuitate Cochin, atque summè à bonitate commendabat, negans pretij vilitatem immuinere eius præstantiam; viceris ideo pretij estimari, quoniam maior quām reliquorum generum illius inueniretur quantitas: Cūm vero compositum aliquid mihi videretur, suspicari cœpi eum id in suis ædibus confiscere: semel enim resciueram omnino Manna eum carere, paulò vero ante mihi dixerat ex Ormus ad ipsum aduehi, paucis tamen interiectis diebus maximam illius recentis mihi ostenderat quantitatē, cūm & hyems esset, nullaq; nauies vltro citroq; nauigarent. Tandem bonus Brachmanes (accepta à mesilentijs fide, quod in illis saltrem prouinciis eum minimè proditurus essem) fassus est à se componi ea quam in Persia obseruarat, ratione, videlicet, Amylum candidum & purissimum, Mannam cuiuscumque generis, sed præsentim qua Calabrinam emulatur, Scammoniam & seminis genus Visa dictum, quod ex Bengala aduehitur, quodque Latridis grano simile est, (iniecto interdum polline radicis cuiusdam cädida lacticinae, cui nomē Dante,) cū Saccharo, pauxillaq; aliqua odorata aqua permiscebat, soliq; exponebat.

**M A N N A M** autem adulterari nihil mirum, quandoquidem & lapides Bezahares tanto artificio in Ormus & in vrbe Cochin prouinciae Malabar, vbi Rex degit, adulterantur, vt legitimi appareant, fallantq; etiam maxime expertos in ius dignoscendis, prima superficie, quæ nisi frangatur, vix à legitimis discerni queant.

DE

## DE TABAXIR.

INVENIVNTVR interdum hæ arbores siue arundines vocatae Mambu in quibus nascitur Tabaxir, tantæ amplitudinis & crassitiei ut ex ea cymbas faciant, quæ binos viros capere possint, non quidem eas excavantes, sed relictis solum duobus internodiis excidentes; Conscēdere verò solent Elius vtilitas, similes cymbas bini Indi, iūq; nudi (nam nudos incedere in iis regionibus moris est) sedereq; singuli in eius extremitatibus, iunctis cruribus, tenentesq; singulis manibus remos trium aut quatuor palmorum longitudinis, quibus eas cymbas impellunt tāta dexteritate, ut etiam aduerso rapidoq; flumine summa celeritate nauigare possint, quemadmodum meis oculis conspexi in flumine Cranganor, in quo plurimus est usus cymbarum ex hac arundine confectarum, quoniam qui eis vehuntur securiores sese existimant à Crocodilis, quos illi Caymanes vocant, magno numero in eo flumine versari solitis. Nam cùm ij ferocissimi sint, sèpenumero in nauis maiusculas & minusculas impetum facere solent, ut eos qui illis vehūtur apprehendant: Si enim aut in flumine aut in littore hominem, bouem, bubalum, aprum, porcum, aut quodcumque tandem aliud animal comprehendere possint, illico deuorant. Indigenæ autem affirmant nunquam compertum esse, ut eos qui cymbis ex Mambu confectis vehuntur appetant, sed sèpenumero conspectos esse natantes proximè illas, attamen eas præterire sine noxa.

Tabaxir hi-  
storia.

Mambu.

Cranganor  
flumen.

Crocodili.

Caymanes.

## DE ELEPHANTE.

MINISTERIVM præstant Elephanti non modò in conuehendis oneribus & bellicis tormentis è loco in locum cōmutandis, sed etiā in muniis aliis domesticis. Promiscide verò (qua veluti manu vtuntur) onera crasso firmoq; fune colligare solent: funem verò ore apprehendentes, eum fannis

Elephantum  
ministerium  
& historia.

B

Jeu

seu dentibus quos exertos habet, quoties opus est circumvol-  
uunt, deinde onera sublimia in aere ferunt, aut trahunt, si  
nimium grauia sint, tanta dexteritate & attentione, (pra-  
sertim si iis contineantur res fragiles, & quae effundi possunt)  
ut huiusmodi res requirunt: nec, cum semeliter confecerunt,  
viæ demonstratore amplius opus habent, tanta sunt memo-  
ria præditi.

PLINIVS lib. 1. multis locis plurima de Elephantis  
memoratu digna refert: at nos nonnulla hic describemus ma-  
gis fide digna.

Elephantes  
se mutuo  
intelligunt.  
Aliquando  
loquuntur.

VULGARIS opinio est in prouincia Malabar Ele-  
phantos mutuo se intelligere. Loquitum autem aliquando  
in vrbe Cochinchina (quæ illius prouincie nobilis ciuitas est) pu-  
blico testimonio constat hoc modo.

ELEPHAS quidam in littore maris vrbi vicino labo-  
rare solitus, iamq; laboribus fessus, domum redire properabat,  
ut quiesceret: Praefectus vero illius vrbis orabat illum ut in  
labore pergeret, atque liburnicam quam iam commouere  
inceperat, in mare traduceret: renuentem Elephantum Pra-  
fectus denuo compellare, blandisq; verbis demulcere caput,  
id in suam gratiam faceret, ita enim decere, quandoquidem  
in seruitum esset Christianissimi Regis Lusitanie: Elephan-  
tus haec duo verba proferens, hoo hoo (que lingua Malaba-  
rica, vulgari & usitata in ea prouincia è qua Elephas oriun-  
dus erat, significant, volo volo,) ad liburnicam rediit, eamq;  
in mare impulit.

IDEM cum ipsius rector hora constituta cibum illi non  
præberet, de mora conquesitus est: rector vero id accidisse  
nibat, quod lebes in quo cibum illi coquere solebat, pertusus  
esset, proinde eum ad Cacabarium deferret resarcendum:  
fert eum elephas: cacabarius negligenter reparat: rector  
elephantum obiurgat, eumq; contumeliosis verbis afficit, at-  
que ad cacabarium cum lebete remittit ut diligentius resar-  
ciat:

ciat: is verò de industria lebetem reparare simulans, rimans auget & elephanto reddit; qui lebetem promuscidē sumens ad flumē desert & aqua implet, quam dum effluere conspicit, magis pertusum esse lebetem intelligit, & ante cacabarij ædes refert magno barritu intonans: concurrunt Regionum negotiorum Praefectus & alijs multi: cacabarius blandis verbis veniam ab elephanto petens lebetem probè reparat, eiq; restituit: ille verò minimè ei fidens, in omniū conspectu ad flumen redit, aquamq; haurit; quam dum videt non effluere, lebetem ostendens adstantibus, quasi eos res gestæ testes esse cuperet, ad rectorem suum refert.

N A T V R A gratus est, beneficiorūq; memor, nec cui-  
quam nocet nisi iniuria affectus, aut dum certo morbo cor-  
ripitur quo veluti in furias agitur, quod singulis annis fieri  
solet: tum enim nemini parcunt elephanti sed obuiū quem-  
que proterunt.

A C C I D I T in vrbe Goa, in qua legati Regis Lusitanæ Goa vrbs.  
quieregiam potestatem obtinent degere solent, vt vnu ex  
elephatis qui istic ad Regis seruitia alūtur huiusmodi mor-  
bo correptus, vincula & catenas (nam solent ferreis catenis  
cōstringi & loco quodam concludi donec morbo liberentur)  
disrumperet, & per urbem vagaretur; fugientibus verò om-  
nibus, mancipium quoddam in vlnis filiolū gestans in pla-  
teæ obuiam habuit, quod conspecto elephanto exterritum ad  
suas ædes celeri cursu cōsugit, quas vt aperiret filiolum hu-  
mi ante ianuā exponit, moxq; ædes ingressum ianuā occlu-  
dit, præ metu filioli oblitem: elephas puerū conspiciens, pro-  
muscidē leniter subleuans, in proximum humile tectum,  
quod è regione istarum ædiū erat, collocat, atque aspicit an  
puer istic sine dāno cōsistere queat, deinde furibundus ulterius  
progreditur: beneficij memorē, tame si furēs, se ostendit hic elephas, qui puerum non necauit, sed agnouerit fi-  
liū eius mulieris esse quæ eas ædes in habitabat, quæq; illi &

Elephantī  
beneficiorū  
memores.

Elephantō-  
rū morbus.

20 CHRISTOPHORI A COSTA,  
aliis domesticis elephantis quotiescumque istac transirent,  
panem aut fructus dare solita erat: nam huiusmodi cibos &  
alia edulia ante suas aedes venalia exponebat.

ALIVD gratitudinis exemplum referam. In eiusdem  
urbis foro vagabatur huiusmodi furius corruptus elephas:  
vir quidam aeger effugere cupiens pronus cadit; elephas mi-  
nimè ei nocens promiscide comprehendit, & in scanno  
quodam deponit. Aiebat hic vir, eodem loco, illi ipsi elephanto,  
antequam in morbum incideret, magnū quendam fructum  
Iaca fructus. Iaca incolis appellatum (de quo nos inferius) sua manu pre-  
buisse.

APVD urbem Cochin elephas quidam huiusmodi fu-  
riis agitatus in lacuna quadam bærebat, ad quam cum for-  
tè accessissent inopinanter nonnulli pueri, Elephante con-  
specto omnes diffugerunt præter vnum qui istic persistit:  
eum accedit Elephas adblandiens quodammodo, & pro-  
muscide demulcens, leniter eum corripit, suoq; dorso imponit,  
& per lacunam expatiatur, deinde illum reponit quo  
apprehenderat loco velut lœtabundus. Cum ea quæ ipsi ac-  
cidissent puer narraret, multi viri eum comitati sunt: sed  
procul à lacuna remanentes, arbores conscenderunt, ut è tu-  
to spectarent quid ageretur. Puerum propius accedentem  
elephas velut antè corripit dorsoq; imponit, & expatiatur.  
Id sèpius à puero est repetitum, donec blandis verbis (quem-  
admodum edocitus fuerat) elephantum denuò mansuetum  
redderet, & in urbem pelliceret.

ANTE verò quam huiusmodi aegritudine & amoris  
furore corripiantur Elephanti, eos sui rectores in agros de-  
ducere, atque istic validis firmisq; catenis ferreis constrin-  
gere solent: furoris enim indicium agnoscunt ex quadam oleo-  
sa materia, quæ ex illorum auribus effluit. Medicantur an-  
tem huic aegritudini ipsorum rectores, grauiter illos obiuri-  
gando, & rationibus demonstrando (probè etenim audiunt  
& in-

Morbi sive  
furoris indi-  
cium & re-  
medium.

& intelligunt) vili & degeneris esse animi ob amorem ita  
in furiis agi: deinde certa quædam medicamenta illic vſi-  
tata adhibent. Maxima eorum castigatio est, grauibus ver-  
bis illos obiurgare; tametsi interdum anteriores pedes suble-  
uare eos iubeant, plantasq; cum hamulis feriant, dicentes  
se eos uti pueros castigare ob stultitiam.

GLORIÆ audi sunt elephati, cuius causa interdum <sup>Gloriæ audi-</sup>  
mirafacina præstare conspicuntur. Nonne in littore vrbi  
Goæ vicino quidam crepuit medius dum solus magnum  
æneum tormentum bellicum subleuare cupit? quoniam ip-  
sius rector grauibus verbis obiurgasset & contumelia affe-  
cisset, ostendens illi duos iuniores elephantos aduentantes  
illius ænei tormenti tollendi gratia?

CETERVM vti beneficiorum sunt memores, & glo- <sup>Vindictæ cu-</sup>  
riæ audi, non minus vindictæ cupidi esse deprehenduntur;  
quem idmodū ea que in vrbe Cochin acciderunt documen-  
to esse queunt.

MILES quidam Coccisue Indicæ nucis putamine do-  
mesticum elephantum petiit, cumq; in fronte attigit: ele-  
phantus putamen colligit, & cum eo tempore iniuriam vl-  
cisci minimè posset, in os recondit, donec elapsis aliquot die-  
bus militem in platea quadam deambulantem consiperet,  
tum denum promuside nucis putamen ore eximit, atque  
militi vicinior factus, in ipsum cōiicit, deinde abit, veluti la-  
tus quod iniuriam sibi illatam vltus esset.

ALIVS quidam miles in eadem vrbe Elephanto suum  
rectore iniuria affecisse visus est, quod ei in via minimè ce-  
dere voluisse: eam iniuriam vlcisci cupiētem rector vetuit.  
Post aliquot dies ministeria quædam in littore Mangate <sup>Mangateflu.</sup>  
fluminis ( quod urbem Cochin alluit ) absente suo rectore  
obiens, militem cum aliis quibusdam sermones conferentem  
conspicit, promuside eum corripit; nec eorum qui ipsum  
rogabant ut militem dimitteret, voces moratus, aliquoties

flumine mersit, subinde eum in altum subleuans & aquam qua madebat defluere sinens: deinde cum iniuriam suo rectori illatam probè vltus sibi visus esset, militem quo comprehenderat loco denuo in pedes sistit.

LONGE plures similes historias veras hic recensere possem, quas breuitatis causa prætereo. Quibus vero istæ non sufficiunt, legint quæ Aristoteles, Plinius, Aelianus, Oppianus, & alij plerique Auctores de Elephantis scripserunt.

### DE CANELLA.

Canellæ hi-  
storia.

CANELLÆ arbormali auveæ amplitudine est, non nunquam maior, interdum minor, ramosa admodum, cuius teneriores rami recti sunt: folium Laurino simile, latius tamén, colore dilutiore, & minus siccū, tribus nervis insignitum: flos candidus, odoris propemodum expers: fructus siue stris oleæ baccis par, virescens initio, deinde rufescens, & ubi plenam maturitatē consequutus est, niger atque splendens (quo tempore colligi debet) oſſiculum intus continens siluestribus oliuis simile, similique carne præditus, ex qua extillat oleaginosus quidam liquor subuirescens, odore baccarum lauri, sapore acri cum pauxillo amaro coniuncto: præditus verò est hic fructus sessili parte paruo calyce, lauiore minùsque criso quam sint illicis calyces. Harum arborum magna est frequētia in siluis prouinciae Malabar: sed præstātia & odore longè sunt inferiores iis quæ in Zeylan insula nascuntur.

Canellæ li-  
quor.

Et eius fa-  
ultates.

STILLATITIVS Canelle liquor vitreis aut plubeis organis extractus is præfertur, qui è viridi cortice, præser-tim radicū, minutim inciso eductus est: etenim nō modo corroborat & stomachi imbecillitatem, colique dolores ex frigida causa prouenientes lenit: sed vrinam cit, & oris anhelitum commendat; ut ille est præterea iecoris, splenis, cerebri & neruorum ægritudinibus, atque in syncope cardiacis affecti-

affectionibus confert: venenis resistit & virulentorum anima-  
lium morsibus; menses mouet, & vteri affectionibus prodest,  
vomitiones cohabet, & appetentiam excitat: valet item ad  
spasmos, & comitiales morbos: atque ut summatim dicam,  
aperit, incidit, digerit, calefacit & corroborat.

ELICITVR etiam liquor ex Canelle floribus, sed  
longè minore quantitate, minùsque præstans superiore.

## DE SANTALO.

ODORATI illius ligni genus in Malabar natū Santalo  
albo persimile quo se in febribus indigenæ inungunt, &  
Sambarane appellant, non est Santalum, neque eius fa-  
cultates obtinet: Medici tamen eius prouincie Santali spe-  
ciem esse, & cōferre tenuioris fortunæ hominibus asserunt,  
commendantq; in Erysipelite, & inflammationibus: atque  
Santali rubri modo eo vtuntur.

Sambarane.

Santali spe-  
cies.Ad erysipe-  
las & infla-  
mationes  
utilis.

\* Flavi Santali selectissimi librale fragmentum, mihi libe- Flavi Santali  
rali munere dedit noster Hugo Morganus Londinēsis Phar- fragmētum.  
macopola peritissimus 1581. Est verò id graue, solidum,  
nodosum, colore intus flauum, odore suaui cerebrum refi-  
cens, & grato sapore palatum leniens.

## DE BETELE.

BETELE planta Piperis stirpi adeò similis est sarmen- Betelchisto-  
tis, foliis, & nascendi modo, vt quando simul sunt satæ, vix ria.  
è longinquo dignosci queant ab his qui plantarum istarum  
minus sunt periti: scādit enim & amplectitur arbores iuxta  
quas sita est, Piperis modo: eius verò folium Piperis folio  
crassius est quidē, at magnitudine & neruis siue fibris pro-  
sus simile.

## DE MACI.

FIT in insula Banda ex Maci oleum admodū commen- Bāda insula.  
B 4 datum Oleum ex

**Maci & eius  
utilitas.** datum in neruorum affectibus & aliis frigidis morbis.

**Ex nuce  
moschatali.  
quor & vi-  
xes.** E L I C I T V R & ex nuce moschata trita, calefacta, & prælo expressa liquor admodū suavis & utile in neruorum frigidis affectibus: thoracem etiam & pulmonē lenit, inde clariorem vocem reddit, impinguat & sperma auget.

**Varia no-  
menclatura.** A R A B E S nucem ipsam Iausiband, & Seygar apellant: Macim verò Bisbele, & Besbaca, quod vocabulum propriè nucis corticem significat. Persæ arborem Drach nuncupant, Turcæ Agache: Macis autem oleum Arabibus Geusifami, Persis Geuzi erugaat, Turcis Geuziat dicitur.

**Macis à Gr̄  
corum Ma-  
cere diffe-  
rentia.** P O R R O hunc Macim à Gr̄corum Macere plurimum differre minime dubium est. si utriusque historiam & facultates expendamus. De Macere autem proximo capite sumus acturi.

\* Vidi aliquando Vlysipponæ oleum de Maci ex India magnis fætibus delatum, quod magno aestimabant, atque in ventriculi frigidis morbis plurimum commendabant. Id verò erat inspissatum & saponis gallici ferè modo in tabellas vinciam propemodum densas, tres verò latas, totidemque aut amplius longas efformatum, pingues, subflavas, odoratas. Vidi etiam hoc anno 1581. Londini apud M. Hugonem Morganum Pharmacopœum eruditum, & diligentissimum, eundemq; virom per humanū & optimum, eiusmodi oleum recens ex India delatum, cuius aliquot panes sive tabellas, oleum balsami è nouo orbe, oleum de liquido Ambar, aliaque rariora quædam simplicia ipsius liberalitate cōsequutus sum.

### D E M A C E R E.

**Maceris hi-  
storia.**

**Insula S.  
Crucis.**

N A S C I T V R quibusdam Orientalibus insulis, præsertim verò in prouincia Malabar, in insula S. Crucis regni Cochin, tum in ripis fluminis Mangate & apud Cranganor vasta quædam, & multis ramis prædita arbor Ulmo multò maior, cuius folia in longitudinem sex aut septem uncias longa sunt, duas lata, exteriore parte dilutius virentia interiore satura: Ea non alium florem, non alium fructum

Etiam habere creditur præter semen quoddam denarij magnitudine, tenue, cordis effigie, colore flavo, sapore vero amygdale, aut nuclei persicorum malorum, tenui & candida tunica tectum, quod vesica quadā ex tenuissimis duabus simul iunctis & transparentibus membranis constante includitur: ea autem vesica in medio folio nascitur aliis magnitudine non dissimili, sed cuspide obtusiore, & circa pediculum angustiore, colore medio inter rubrum & fulvum, inaequali, & multis fibris à pediculo ad extremitatem recta linea ductis, criso & rugoso, haud absimilis illi que in Vlno nascitur, paulo tamen latior & planior.

Succo lacteo prædicta est hæc arbor vti Morus, radicēque habet Ilici persimiles, magnas, crassas, in latum & profundum diffusas & cortice tectas crasso, aspero, scabro, durōque, cinereo foris colore, interius albo & lacteo succo prægnante dum recens est flauescente autem dum sicca est, & admodum adstringente: & licet succus ille cum adstringente non nihil mordicet; breui tamen euaneat hæc veluti insensibilis mordicatio. Arenosa & humida loca amat, & reliquas ferè plantas circumnascentes enecat.

NOMEN vulgare huius arboris apud Lusitanos est Arbore de las camaras, & Arbore sancto, hoc est, Arbor dysenterie, & Arbor sancti: ab indigenis Christianis Arbo- Nomenclatura varia.  
re de sancto Thome, id est arbor D. Thomæ, & Macrury-  
re: à Medicis Brachmenis Macre, apud quos summo in  
precio est arboris cortex.

RADICIS cortice recenti trito, & cum oxygala seu lacte acido mixto omnis generis dysenterias & alii proflu- Radicis cor-  
via mirabili successu curant omnes Medici cum Brachme-  
nestum Canarini & Malabarici. Aliqui huius corticis siccii tex ad dy-  
& in puluerem redacti semunciam per noctē macerat in senterias &  
quatuor uncias seri lactis, eumque bis in die propinat manè profluua  
& vesperi, deinde medicamento sumpto orizam sine sale &

butyro coctam, atque pullos gallinaceos coctos, maceratos  
& tritos in orizæ decoctione statim ægro exhibent: inter-  
dum si necessitas vrgeat, opium admiscent roborandi medi-  
camenti causa: solent vero etiam Arabes cuiuscunque gene-  
ris alui profluvia opio nuce moschata admixta curare.

**A**d vomitus **H** V I V S item radicis vſus salutaris creditur ad vo-  
mitus compescendos, & ventriculum roborandum cum  
aqua Menthae & mastices puluere.

**Ciuitas S.  
Crucis.**

**Macre.**

**Ioque.**

**R**O G A T V S Brachinenes quidam medicus mihi fa-  
miliaris, virg̃, probus, boni iudicij & magnæ existimationis  
apud omnes ciuitatis S. Crucis regni Cochinchin incolas  
cum gentilestum Lusitanos, quod illius fideli opera ſepiuſ  
uſi eſſent, ut bonaſide exponeret iſtius corticis quem Macre  
vocant facultates, in hec verba respondit: Si vos Lusitani  
hunc corticem probè noſſetis, multò pluris illum faceretis  
quam Piper: Sed quoniam iſtic in Lusitania eius faculta-  
tes ignoratis, idcirco contemnitis. Puluſis quem in omnis ge-  
neris alui proſluvio ex oxygala propinare ſoleo, ex hoc corti-  
ce de quo percontaris cōſtat uero. Eius magna quantitatem  
tibi oſtendere domi poſſem, quam in Bengala & Japan ſum  
miſſurus. Sitne vero inutile medicamentum, tu ipſe qui  
illius effectus plerumque conſpexisti, iudicare potes.

**H** V N C corticem etiā oſtendit rhizotomo cuiā Ioque  
(genus quoddam hominum eſt circumforancorum qui pe-  
regrinādo pœnitentiā agere ſeſe profitentur in illis regioni-  
bus) petiūque ut quid eſſet (tametſi probè noſſem) significa-  
ret: respondit ille, eum ſequerer, cuius arboris cortex eſſet ſe-  
demōstraturum, oſtenditque arborem quam antè ſciueram  
& addidit, Apud noſtros homines appellatur Cura ſantea  
macré niſtufa garul, hoc eſt, Macre ab Angelis oſtensum  
hominibus ad ipsorum ſalutem. Subiunxit inſuper iſtius cor-  
ticis apud ipſos vſum eſſe in compescendis vomitibus, aluiq̃  
proſluuiis ſiſtendis, pluſque pollere huius radicis portiun-  
culam

culam, quām magnam quantitatē corticis Myrobalano-  
rum aut Arecæ, eāmque præstantiorem esse Coru Malaba-  
rico de quo proximè dicemus. Referebat præterea Macre  
fructum omnis generis lumbricos in humano corpore na-  
tos necare & expellere, & calculum in renibus frangere:  
tum etiam eos qui singulis diebus manè eo vterentur, libe-  
ros fore à calculo & à coli doloribus, nec ineibriari posse.

MAGNA disceptatio est inter Neotericos an Graci  
Macin & Arabes Macerem nouerint. Negari non potest  
quin multo plura medicamenta nunc nouerimus quām  
veteres: inficiari etiam non possumus, pleraque illis cognita  
fuisse, de quibus dubitamus. Nam certissimum est, Græcis  
probè notum fuisse Macer de quo dubitamus, & quod ple-  
riique adhuc ignorant: nesciisse autem Macin & nūcem  
moschatā nobis adprimè nota, vt ex eorum scriptis constat.

G A L E N V S simplium lib. septimo Macerē aduehi  
ait ex India, constare essentia pleraque frigida & terrestri,  
paucula verò frigida: conferre sua adstrictione aduersus  
dysenterias & cruentas excreciones.

D I O S C O R I D E S verò lib. 1. cap. 94. Macer qui  
ex Barbaria aduebitur, est cortex flauescens, crassus, &  
gusto per quam adstringens, qui contra cruentas excrecio-  
nes bibitur, dysenterias & alui fluxiones.

Q V AE facultates inueniuntur in cortice iam descri-  
pte arboris, non in Maci odorato nucis moschatæ operculo,  
quod calidum siccumq; est in fine secundi gradus, aut ini-  
tio tertij, tenuiūmque partium & leuissimi amaroris, pau-  
culaq; adstrictionis particeps: itaque certum est utrumque  
loqui de cortice nostræ arboris, non de Maci quod illis igno-  
tum fuit.

A D M O N V I T me præterea medicus quidam Regis  
Cochin, ne dubitarem quin hic cortex Auicennæ Macer es-  
set: magnaq; inscitiae esse de re tam aperta disceptare: hu-  
ius ete-

Hic cortex  
Auicennæ  
Macer.

28 CHRISTOPHORI A COSTA  
ius etenim Macre facultates, eis, quas suo maceri veteres  
tribuunt, persimiles, facile id demonstrare.

PLINIVS etiam lib. 12. cap. 8. Macer, inquit, ex In-  
dia aduebitur, cortex rubeus radicis magnæ, nomine arbo-  
ris sue.

De locis nata-  
libus Mac-  
ris Dioſc. &  
Galeni diſ-  
ceptantium  
conciliatio-

MINIME vero nos mouere debet quod Dioscorides  
ex Barbaria Macerem aduehi afferat, quem Plinius &  
Galenus ex India deferri scribunt: idem enim illis accidisse  
potest in hoc medicamento, quod in Cinnamomo & Cassia,  
ut (quoniam ex peregrinis & longinquis regionibus ad eos  
adueherentur) eorum natales non fuerint probè cogniti.

Indus flu.

In eo insula  
vel vrbs sita est,  
vel vrbs Bar-  
baria nomi-  
nata.

AIT tamen Ptolemeus: Quedam in Indo fluvio insula  
tabatur Macer: vel quod afferretur ex Arabia eo maris si-  
nu qui à Barbaria insula Barbaricus appellatur. Cui suffra-  
gatur Strabo, Omnia, inquit, quæ in India proueniunt, ea  
scilicet parte, quæ ad Austrum vergit, similiter in Arabia  
nascuntur.

Macis & Ma-  
ceris differē-  
tia.

MACIS & Maceris differentia Auicennæ probè fuit  
cognita, quippe qui Macim odoratæ nucis in uolucrum cap.  
456. & Macerem radicis corticem cap. 694. sub titulo  
Talis far descripsit.

Qui inter se  
differant.

NON ignota etiam fuit Serapioni, qui ex auctoritate  
Isach, Macim esse nucis odoratæ operimentum dixit, diuer-  
sum ab eo cuius Dioscorides meminit, quippe qui scriptum  
reliquerit, Macerem esse ligni corticem sine corium.

LIQVET itaque Macim & Macerem differre inter  
se qualitate, substantia, figura, planta & regione, quando-  
quidem Macer radicū arboris cortex in Malabar nascitur:  
Macis vero nucis Moschatæ operimentum, in Banda, lon-  
gissime inter se dissitis. Tametsi Monachi qui in Mesuen  
comentarios scripserunt, afferat non differre, suam negli-  
gentiam ista ratione prodentes.

VVL

VULGARIS admodum huius corticis Maceris est Corticis Ma  
ceris utilitas.  
vſus in omnibus nosocomiis prouinciarū Chinæ, Iapan, Ma-  
laca & Bengala, in dysenteriis, alii profluuiis, & sangu-  
nis reiectionibus, cuius causa ex Malabar vſque petunt.

## DE CORV.

I ISDEM locis, præter memoratam arborem, nascun-  
tur duæ aliæ arbores plurimum inter se differentes, sed quæ  
iisdem facultatibus cum superiore sint præditæ.

HARVM prior (de qua hoc capite agemus) vocatur in  
Malabar Curodapala, & Curo; in Canarin Coru: à Coruvaria  
noméclatu-  
ra.  
Brachmenis Cura.

EST verò hæc arbor pumilæ malo aureæ similis, cui  
etiam persimilia habet folia, sed quæ mediū neruum cras-  
siorem habeāt, aliis octo aut nouem in latera excurrentibus:  
Eius historia  
flos luteus est, odoris ferè expers: radicis cortex diluto viro-  
re præditus est lœuis & tenuis, qui si frangatur aut vulne-  
retur, multo lacteo succo manat, lentiore & magis viscido  
quàm qui ex superiore fluit, gustu insipido, amaritudinis ta-  
men alicuius partice, frigidus & siccus, plus tamen siccii-  
tatis quàm frigiditatis possidens, in quo ordine Medici illius  
prouincia etiam constituunt.

HVIS virentis corticus succo licet admodum ingra-  
to, plurimum vtuntur incolæ cùm gentiles tum Christiani Eius corticis  
f. cultates.  
ob admirādos quos præbet effectus in omni genere profluuij,  
cùm in lyenteria tum in diarrhoea & dysenteria è quacun-  
que causa prognata. Lusitani tamen Medici methodum in  
eo exhibendo seruant. Utuntur etiam eo sicco veluti priore:  
sed prioris cortex longè præstat. Distillant verò atque utun-  
tur in hunc modum.

CORTICIS in puluerem triti vncias octo, ammeos,  
apij, coriandri siccii, cumini nigri nonnihil tostorum & in  
puluerem redactorū singulorum drachmas tres, corticum  
Corticis cō-  
ficiendi ra-  
tio.

Myro.

Myrobalanorum Cepulorū drachmas septem, butyri vacini non saliti vncias duas, lactis acidi quantum satis est ad pulueres istos excipiendum sumunt in distillatoriam ollani vitream (si delicioribus paratur) aut vulgarem (ut maxima ex parte sit) imponūt, & stillatitum liquorem eliciunt, cuius quatuor vel quinque vncias cum aqua auellanæ Indicæ, vulgo Areca nominatae, aut aqua è pediculis rosarum vnciis duabus propinant alii profluuiolaborantibus, (interdum si necessitas vrgeat, trochiscos de charabe vel de Lemnia terra admiscent) semel in die, vel bis si opus sit; illico autem post eius sumptionem, orizam cum oxygala exhibere solent. Clysteres etiam ex eo confecti præserium sub noctem iniiciuntur.

LICET verò hic liquor admodum commendabilis sit, longè tamen præstantior est Maceris cortex viridis, licet multo ingratiior, & sumptu difficilior.

Eius radicis facultates.

V T I L I S etiam hæc est radix seu cum Orizæ decocto sumpta, siue inuncta aduersus hemorrhoides & ani scissuras.

Et foliorum vtilitas.

FOLIORVM eius cum Tamarindorum foliis decoctorum vapore crura tumentia vtiliter fouentur: ipso autem decocto madentes panni commode in tympanite applicantur.

## DE PAVATE.

ALTERA istarum stirpium, tertium videlicet genus earum quæ ad alui profluvia utiles sunt, vulgo in Malabar dicitur Pauate, à Brachmenis & Canarinis Vasauei, à Lusitanis Arbor contra las erisipolas, hoc est, Arbor erysipelas curas. *pelas curans.*

Eius descrip-  
tio.

FRVTEX est non admodum ramosus octo aut nouem pedū altitudinis, cui rara sunt folia, mali aureæ minoribus foliis similia, excepta appendice qua carent, utrimq; elegati virore

virore prædita: flos exiguus, cādidus, quatuor foliolis præditus, è cuius medio exit alba fibra cuspidē viridi insignis, odore floris Periclymeni, cui procul aspiciētibus persimilis videtur; rotundum semen, lentisci magnitudine, ex viridi nigricans, & ubi maturuerit, nigrum. Caudex & rami cinnerei sunt coloris, radix alba & insipida, cum nonnulla tamen amaritudine, odoris propemodum expers.

T A M E T S I ut ilis sit hæc planta aduersus alii profluvia, quemadmodum superiores duæ, cum illis tamen minime comparari potest, quandoquidē imbecillior est: itaque qui superiores nouit, ea haud quaquam vtetur in alii profluviis, at in curando dumtaxat omnis generis erysipelate, & eo præsertim quod è mera bile ortum est; etenim insigni virtute aduersus hunc morbum pollere deprehensum est.

T E R I T V R & maceratur huius plantæ truncus siue radix orizæ decocto (Canje vocant) aliquot horis quiescere Canje. finitur ut acescat hæc aqua, erysipelas deinde ea inungitur, bibendaque propinatur sufficiente quantitate bis in die, purgato prius ventriculo.

E A D E M ratione præbetur radix orizæ decocto mace-rata iis quiieoris inflammatione laborant, & febrium ardoribus: addito autem succi foliorum Tamarindi momento vulnerum labia circumquaque inungi solent ad inflammaciones prohibendas, & humorum defluxus cohibendos.

Q V O N I A M verò iis in prouinciis multò maiore quantitate hoc tertium genus quam secundum Coru nuncupatum crescit, incole eo vtuntur.

### D E CARYOPHYLLIS.

A R B O R Caryophyllos proferēs magnitudine & forma Lauri est, sed superiore parte magis ramosa, minore & angustiore folio: copiosos fert flores, initio candidos, deinde virides, cum nunc in fructum efformati sunt; at ubi matu-

Arboris Ca-  
ryophyllos  
proferentis  
descriptio.

tuunt

CARYOPHYL. ARBOR.



zuruerunt, rubros; qui deinde collecti & siccati nigrum colorem contrahunt: nascuntur fucus \* modo sparsim per ramos ad foliorum basim bini, terni aut quaterni simul iuncti, vel vnicus interdum.

DICITVR Arabibus, Persis & Turcis Caranful, varia nomina  
ipsa arbor Siger, folium Varaqua.

PAVLVS AEgineta acres illos constituit, calidos  
& siccos ordine tertio: alijs dumtaxat secundo.

VENTRICULVM, iecur & corroborant, con- Eorum facili-  
coctione iuuant, vrinas cident, aluum cohibent, oculis instil- tates.  
lati eorum aciem exacuant, nubesque extergunt: & qua-  
tuor drachmarū pōdere ex lictē sumpti venerē extimulant.

\* Caput de Caryophyllis Latio donare nō cōstitueram quan-  
doquidem pleraque omnia ex Garciae ab Orta historia Aro-  
matum (vti ferè reliqua, de quibus hic auctor hoc volumine  
agit) delumpta sint. Quoniam verò praeceps reliquorum au-  
ctorum, qui Caryophyllorum historiam descripsit, senten-  
tiam, eos ex ramis inter folia, ficū modo nasci afferit, ipsius  
verba lectori proponenda censui, vt animaduertere queat  
quā parum fidei interdum huic auctori sit adhibendum,  
qui veritatis assertorem se gloriatur, & plantas ad viuum ex-  
pressisse afferit, cùm tamē ipsius icones nullius stirpis viuam  
effigiem imitentur, præsertim earum quas haec tenus nobis  
videre licuit. Caryophyllorum certè legitimam iconem in  
Aromatum Garcie historia exhibui, ex ipso ramo muria con-  
ditō (quales multi Antuerpiam aduehi soliti erāt) à diligentī  
& perito pictore expressam. Vidimus insuper hoc anno 1581  
Caryophyllorū ramos dodratales & pedales siccos à F R A N-  
CISCO D R A C K E nauclero Anglo (qui vniuersum or-  
bem circumnauigauit) ex Moluccis superiore Septembri de-  
latos: sed omnes extrema parte fructus proferebant suis fe-  
stucis aut bacillis in hærentes, eo quem in nostra iconē exhi-  
buimus modo. Eam tamen quā noſter Auctor expressit, hoc  
etiam capite subiicere libuit, vt studiosi utramque conferant.

### DE PIPERE.

PIPER aliud domesticum, cuius uſus eſt; aliud silue- Piperis duo  
ſtre, quod ob amarorem negligitur.

C DOME-

Domestici  
historia.

DOMESTICI planta sarmētosa est, scanditq; hedera modo, arboribus quas nancisci potest sese circumvoluendo: nodis per interualla prædita; ad quos folia nascuntur Betale foliis similia, parte interiore saturè virentia, exteriore dilutiora, cuspide mucronata, & gustu linguam vellicante. Horum foliorum alia aliis nigriora sunt: quæ dilutiora sunt fibrasque æqualiter nascentes habent, feminas censem (nam utrumque sexum in foliis eiusdem plantæ constituant) nigriora vero, inæqualibus fibris, mares. Ad singula internodia, unde folia dependent, ex ipsa foliorum sede nascuntur vue, quarum maximè circiter quinquaginta grana obtinent, minores vero triginta. Radix pusilla est, & summa tellure fibras agit.

Nigrum &  
Album.

Nigri folio-  
rum utilitas.

Eius serendi-  
ratio.

S V M M A autem similitudo est plantarum que nigrum piper proferunt & album: albi tamen folia tenuiora & molliora videntur: eius etiam fructus magis aromaticus, meliorisq. saporis quam nigri. Huius vero foliorū nullus est usus apud eius regionis incolas: sed nigri piperis folia dumtaxat expetūtur in coli doloribus, aliisq. omnibus alii agricultoribus è frigida causa prouenientibus: ea oleo Coccii siue Nucis Indicæ prius inuncta, deinde calefacta supra aluum adhibentur magno effectu.

P O R R O seritur Piperis planta hoc modo: sarmen-  
tum eius seu ramus iuxta prægrandem qualemcumque ar-  
borem aut palum defoditur, atque bubulum stercus & ci-  
neres cum aqua insperguntur: infra annum deinde fructi-  
fera est, quoque vetustior est plāta, eò feracior, quippe quæ  
ad ipsius arboris, cui maritata est, fastigium sese circum-  
voluendo scandere soleat.

#### DE AVELLANA INDICA.

A vellanæ  
Indicæ hi-  
storia.

A D M O D U M procera est hæc arbor rectaque, tenuis,  
rotunda, & fungosa materia: folia habet lōgiora latiora q; quam

quām Palma quæ Coccoſ ſeu Indicas nuces fert, ex ſumma arbore naſcentia, inter quæ prodeunt tenues virgæ paruis floribus onuſte, albiſ & ferè inodoriſ, quæ deinde in fructum Areca nuncupatum eſformantur, nuciſ iuglandis magnitudine, minimè tamen rotundum, ſed oblongum ouī gallinacei exigui modo, exteriore cortice admodum virēte, dum recens eſt, & vbi maturuit, admodum fluo, ut longe ſpectantibus veluti dactyli ſiue palmule maturæ appareant: materia molli & tomentoſa conſtat hic cortex, continentq; inluſum fructum caſtaneæ grandioris magnitudine, altera parte ſimiliter ſeffilem, candidum, durum, rubris veniſ plenum, quem incolæ edunt.

E V M adhuc virentē ſub arena condere ſolent, ut me- lior gratiorq; eſui ſiat: vulgo autē edunt cum foliis Betele: confringunt etiam, ſolique exponūt & ſiccant, (tum Checani appellant) eoque plurimum utuntur tum in cibo, tum in lotionibus adſtrigētibus: & cortice, ſeu in uolucro den- tes repurgant.

C V M verò adeò fungoſa huius arboris fit materia, fran- gitur diſſiculter: idcirco virga duorum digitorum crassitu- dine ex hac arbore parata Crocodilum cùm in aqua, tum in terra facile retinere potest, ſi per eius fauces transmit- tatur (ea etenim ratione illos venari ſoleat) ut ſepe coſpexi.

### DE PALMA INDICA.

P RÆALTA eſt hæc arbor, & recta, nec admodum crassa, præſertim in fastigio: nam ab infimo ad ſummu m paullatim gracileſcit, & colore cinereo eſt: truncum à ra- dicibus ad fastigium uſque paruis quaſi gradibus circumdant, qui aſceſuris ſcalarum vicem præbeant: floſ caſtaneæ ſimi- lis: fructuſ verò integer capite humano maior, forma ob- longiore, triangulari, & colore viridi admodum diluto.

TAMEſTI Narel huius arboris nucem vulgo ap-

Narel.

C 2      pellent

Areca.

Eius conſer-  
uandi ratio  
& uſus.

Checani.

Fraſtu diſſi-  
ciliſ.

Virge ex hac  
arbore parā-  
tur ad Cro-  
codilos ve-  
nandos.

Palmae Indi-  
cæ historia.

Variatio-  
nenclatura. pellent cùm Persæ tum Arabes, negant tamen Persæ legi-  
sum esse nomen sed Nargel dicendum : ipsam arborem  
Darach Persæ vocat, Arabes Siger Indi ; Turci autem ar-  
borem Agach, fructum Cox Indi : Brachmenes arborem  
nuncupant Maro , nucem Naralu.

Insula de  
Nalediuia.

Huius arbo-  
ris usus.

Ola.

Harum pal-  
marum duo  
genera, &  
eorum usus.

Sura.

Orraca.

Suræ colli-  
genda ratio.

Caloins.

Fula.

Ex hac arbore ex insulis de Nalediuia fabricantur na-  
ues, atque clavis, malis, velis, rudentibus alijsq; armamen-  
tis necessariis instruuntur: instructæ iam, mercibus ex eadem  
arbore conflatis onerantur, oleo, vino, aceto, saccharonigro,  
fructibus aqua , & ardente aqua vulgo vocata. Ex eadem  
arbore extruuntur ædes cum suis tabulatis satis firmæ: atque  
eiusdem ramis, (quos Ola dicunt) contegunt imbricum vi-  
ce; nam imbræ comodè arcent. Ex iisdem ramis tecta com-  
parant ad tegendas hieme naues, quæ in portum deductæ,  
remulco deinde in terram trahuntur.

I ST AR V M porro Palmarū duo genera constituunt:  
Vnum etenim Suræ cogendæ gratia deligunt, ea est veluti  
vinum mustum, quæ ignibus decocta in liquore transit vino  
similem, incolis Orraca appellatum; Alterum fructuum ge-  
rendorum causa adseruant.

COLLIGITVR verò Sura in hunc modum: Ali-  
quem è ramis cerebro viciniorē præcidūt, duorum pedum  
longitudinem relinquētes, ad quem vascula ampla, oris ta-  
men angusti, illis Caloins nuncupata, colligant: per hunc  
ramum præcisum exstilla arbor Suram iam memoratam,  
qua organis distillatoriis imposta, ignis vi aquam eliciunt  
ardentem; purior, illis Fula dicta, hoc est, flos, facilius igne  
incenditur quam nostra aqua ardēs, siue vinum adustum:  
altera Orraca nuncupata non item: sed huic purioris ali-  
quantulum admiscere solēt. E Sura antequam ignibus de-  
coquatur, soli exposita, sit acetū satis interdum acre, tam-  
etsi neque mentha, neque cortex arboris Myrobalani in-  
sificantur, quæ medicamenta plerumq; admisci solent ut  
acetum

acetum acrius reddant. Exempto primo vase Suræ, exstillat alia, quæ ignis vel solis caloribus inspissata, Saccharū fit incolis Iagra appellatum: præstantior censetur, quæ in Nalediu-  
dina colligitur, quam quæ in Malabar.

FRVCTVS recēs sub primo illo crasso viridique ope-  
rimento, alio cortice nigro præditus est, medullam tegente, fructus.  
qui recens antequam nigrum colorem contrahat, tener &  
candicans est, editurq; cum sale, vel sine sale, vel cum ace-  
to & pipere interdum, atque gustu est Cinarae: cùm verò  
iam nonnihil indurare cœpit, Cardui caput sapit. Medulla  
cortici adhærens tenera & dulcis est, continetq; multam  
aquam limpida, suauem, nec fastidium aut nauseam sua  
dulcedine parientem quæ vulgo in solis ardoribus babitur.  
Frequens est huius aquæ sub dio refrigeratæ, atque etiam  
Iagræ vſus aduersus iecoris renumq; nimios calores, puru-  
lentæq; materiae per virgā excretionem: refrigeratur verò  
hec aqua in sua nuce viridi Laña appellata: diu cōseruatur,  
nam toto anno inueniuntur istæ nuces virides, quarum non-  
nullæ interdū tres aut quatuor libras siue pintas aquæ con-  
tinent.

POST QVAM iā indurata est hæc nux, durioremq;  
medullam contraxit, remanet in concavitate limpida qui-  
dem aqua, at non adeò dulcis ut prior: nucem tum vocant  
Malabares Eleui. In annotinis nucibus mutatur hæc aqua Eleui.  
in rotundam quandam substantiam mali instar, cādidam,  
ſpongiosam, & leuem, sapore dulci.

MEDULLA nucis recentis tenera alba & dulcis, Eius nucis  
ſola editur ab incolis aut cū Iagre, hoc est, Saccharo è Sura  
confecto, vel cum Auela, pulmento ex Oriza in aqua cocta, Auela  
deinde trita & probè sole exſiccata: editur item cum pīſcis  
quodam genere ſiccato ex insulis de Nalediu aduecto, ſi-  
miliſere bubulis carnibus fumo induratis, Comalamafa Comalamafa:  
appellant, bonumq; condimentum est ad bibendi appeten- fa.

Huius aquæ  
& Iagræ v-  
ſus & histo-  
ria.

38 CHRISTOPHORIA COSTA  
tiam prouocandam. Ea verò mixtura non modo incolis in  
vſu eſt, ſed ab iſiſetia Lufitanis expetitur. Ex eadem me-  
dulla lacconficitur Amygdalino ſimile, ad edulia paranda  
vtile.

Copra.

SOLIBVS exſiccata hæc medulla vocatur Copra,  
ſuavis eſt, reconditur, illisq; perinde in vſu eſt, atque noſtri  
Europæis caſtaneæ ſiccae.

Huius nucis  
vſus.

VULGO creditur, & experientia comprobatum eſt,  
frequentiorem huius nucis vſum, lumbricos generare: cui  
morbo totius prouinciæ Malabar incolæ admodum obnoxij  
ſunt.

Malabares  
lumbricis  
obnoxij.  
Corticis vti-  
litas.

EXTERNO illo primoque cortice ſiue opeſimento  
crasso, foris laui, intus verò tomentoſo dum reſiccatus eſt,  
ſiunt rudetes & alij funes nautici, vti in Hispaniis ex ſpar-  
to. Toſtementum illud Malabares Cayro vocant, magni apud  
eos vſus, nam quoniā aqua marina non corrumpitur, ſti-  
patur eo omnis generis naues: itaque illis populis vſum pre-  
bet lanæ, xyli, ſtuparum, lini, & ſparti.

Xareta.

E secundo nigrōque & duro cortice, qui à noſtriſ Coco  
dicitur, ab incolis verò Xareta, ſiunt ſcutellæ & alia vafa  
potoria in tenuiorum vſum. Fiunt etiā ex eo vſtulato car-  
bones auri fabris vtiles, qui in iis prouinciis periti & indu-  
ſtrij, nec admodū ſumptuosi reperiuntur. Solent enim ſuum  
opificium proclamantes compita circumire, ſecum deferentes  
vrceolum, malleolum, & duo cæla, cannaq; tubulum pal-  
mari longitudine manu tenentes quo focum incendunt. Ii  
in aedes admiſſi, vafa ex auro & argento conficiunt, pro eo-  
rum qui ipſos euocarunt arbitrio.

Huius palme  
folioru vſus.

FIVNT ex huius Palme foliis petasi maiores & mi-  
nores ad Solis ardoreſ & imbræ arcendos idonei: texuntur  
etiam ſtoreæ, & alia pleraque.

Coccus de  
Nalediuſ.

COCCVS porrò de Nalediuſ cognominatus adeo com-  
mendatur ab iſiſ incolis, & à Malabarenſibus, non modo à  
plebe

plebe, sed à Regibus & Principibus viris, ut in omni fere morborum genere ad eum consugiant tanquam ad sacram anchoram. Funt in eam gratiam ex illo pocula quæ auro <sup>Mirè ciusfa-</sup>  
<sup>cultates vul-</sup>  
<sup>go creditæ.</sup> vel argento excipiuntur, & in nauī triremiumq; figuram efformantur, ad aquam bibendam, in quam ex catenula medullæ ipsius Coccii fragmentum pendere sinunt: sibique certo persuadent, illis, qui aquam ex similibus poculis hau- riunt, nullum venenum nocere posse, futurosq; immunes à multis morbis, in quos memini multos incidere, qui ex iis poculis bibere soliti erant. Et licet omnem diligentiam adbibuerim, nunquam tamen obseruare potui, similia pocula aliquæ ex morbis curare, ad quos vtilia esse creduntur: potius igitur arbitror tantam laudem obtinuisse à vulgi opi- nione. Nonnulli ex huiusmodi vasculis bibere soliti, mihi affirmarunt sese experientia didicisse iecur incendi, renes noxam contrahere, & calculum generari: nihilominus ta- men magnum est eorum pretium, longeque pluris aesti- matur ijs locis ubi inueniuntur, quam aliis procul inde dissi- tis: nam interdum eiusmodi nuces nudæ, neque auro aut argento exornatae quinquaginta aut amplius aureis num- mis estimantur.

NIGRIOR autem, nitidior, longior, maiorq; est hic <sup>Quidifferat</sup> Coccus quam aliae nuces Coccii communis. <sup>à Cocco co- muni.</sup>

### DE MYROBALANIS.

MYROBALANORVM quinque sunt genera di- <sup>Myrobalan-</sup>  
<sup>uersis arboribus & regionibus nascentia.</sup> norū quin- que genera,

CITRINA quæ à Medicis Aritiqui, à plebe autem Arare nuncupatur, nascentur arbore mediocris magnitu- <sup>Aritiqui.</sup>  
<sup>dinis, multis ramis & in ordinem digestis, praedita; foliis Sorbi.</sup>

EMBLICA illis Anuale dicta folia minutim incisa, <sup>Emblica</sup>  
<sup>filici ferè similia, sed paulò crassiora habent.</sup> Anuale.]

Indica.

Rezanuale.

Bellerica.

Gotin.

Chepula.

Aretca.

Tamarindo-  
rū historia.

Helecho.

Aristora.

Salsa.

INDICORVM, quæ ab incolis Rezanuale appellantur, folia, salicis foliis sunt similia.

BELLERICA rotunda sunt, incolisque Gotin dicuntur, & folia obtinet Laurinis similia, minora tamen & tenuiora. Inueniuntur hæc quatuor genera per totam provinciam Malabar, Dabul, Cambaya, & Batecata, ea sunt quæ in Europam deuehuntur, sicca & condita.

CHEPVLORVM, quæ illis Aretca appellantur, arborem non conspexi, sed eius folia Persicæ foliis esse similia referunt, & arborem eiusdem cum aliis esse magnitudinis: sunt verò omnium arbores Pruni magnitudine, sed pluribus ramis magisque in orbem digestis, præditæ.

### D E T A M A R I N D I S.

SUNT Tamarindifructus elegatis & aspectu pulchra arboris, Castaneæ aut Ceratiæ arboris magnitudine, multis ramis præditæ, & foliis latâ umbrâ præbētibus, materie solidâ admodum: folia filicis feminæ (quā Hispani Helecho, Cantabri Aristora appellat) foliis persimilia, dilutè virentia, valde elegatis, gustu acido, gratoque, è quibus condimentū fit (Salsam vocant) perinde atque è petroselino: flores candidi, Aureæ mali floribus admodum similes forma exteriore, & odore: attamen octonis foliis cōstant, quoru quatuor interiora alba sunt & crassiora velut Mali aureæ florū folia, quatuor verò exteriora tenuiora, & bina ex his eleganti nervo radiata: è medio flore quatuor enascuntur stanina corniculorum modo inflexa, candida & tenuia. Fructus admodum similis est Ceratiis \* foris virescens initio, deinde per siccitatem cinereus, continens ossicula rotunda Cassia solutiæ modo aut paruis Lupinis similia, dura admodum, & colore nitido terreo, haud quaquam flavo, quemadmodum nonnulli referunt: his non utimur, sed sola pulpa quæ non-nihil lenta & viscida est, iucunda tamen aciditate grata,

tametsi

tamen si non nulli indigenæ afferant ossicula assata & in pol-  
linem redacta ex oxygala in alii profluuiis vtiliter exhiberi:  
facile auellitur hic fructus, & etiam sponte decidit. Folia  
sub noctem sese contrahunt, suumque fructum amplecti so-  
lent, qui si desit, sua virgulta & ramos complectuntur:  
summa vero aurora sese explicare incipiunt grato specta-  
culo: hec trita partibus erysipelate infectis imponunt, atque Foliorum facultates.  
etiam circa phlegmonas ad arcēdum qui influit humorem:  
iisdem cum sale Ormuziano phlegmonas resoluūt, & cum  
cineribus ex Cambaya pituitosos & melacholicos tumores.

VOCATVR hic fructus in Canarin Chincha, os-  
cula vero Chincharo, in Malabar Puti, & in Guzorate Varia nō menclatura  
Ambili: Arabes, Persæ, Turci Tamarindi vocant; osicula  
Abes, arberem Siger Tamarindi.

PRÆFERVNTVR qui in locis montanis iisque  
Septentrioni obuersis nascuntur: vsu vero compertum est,  
huius arboris umbram sub ea dormientibus non minus no-  
xiā esse, quam arboris iuglandis.

\* Tamarindorum fructus descriptio verior apud Garciam  
conspicitur: cuius legitimam effigiem pete ex doctissimi Lo-  
belij observationibus, vñā cum ipsius arboris semine recens  
natæ rudimento.

Huius arbo-  
ris umbra,  
noxia.

### DE CASSIA SOLVTIVA.

MVLTA Cassia solutiua nascitur in Cayro, & ple-  
risque aliis prouinciis tum Orientalis. tum Occiduaæ Indiæ. Cassiae solu-  
Prefertur tamen quæ ex Orientali delata est, quæq; locis tiuæ natales  
ad Septentrionem magis vergentibus nascitur. & historia.

AMYGDALÆ magnitudinē æquat, foliis mali Persici  
similibus est, non unquam angustioribus, locis præsertim sic-  
coribus nata, floribus luteolis aut flavis, non ingratior odoris:  
quibus deciduis succedant siliqua oblonga, eleganti virore  
præditæ dum recentes sunt, & quæ maturitate nigredinem  
breui consequuntur.

T A N T A est eius frequentia in Cambaya, unde præstantissimam aduehunt, ut vnius Candil (quingentarum & viginti duarum librarum pondus hoc est) pretium non estimetur pluris quam nummo aureo, qui trecentos & sexaginta marauedis (æreos obolos Hispanicos) valent.

I N M O N T I B V S verò Cranganor, & per vniuersam prouinciam Malabar (quando eius maximum pretium) singulæ libræ viginti marauedis redimi possunt, hoc est, paulò pluris quam dimidio regali Castellano, siue Batzio Germanico.

Varia no-  
menclatura

Eius usus.

G E N T I L E S. Canarini fructum Hafanguia & Bauasenga, quemadmodum & prouincia Decan incolæ, & Brachmenes, arborem Bahoo, & Baua vocant: Guzaratenses Gramala: Malabarenses Condaca: Arabes, Persæ, & Turcæ Hiarxamber: asserebat tamen mihi Cogecela peritus medicus Persa illud vocabulum esse merè Persicum, & legitimum Arabicum esse Gasatfalus.

F O R I S illinitur medulla erysipelate tentatis & inflammationibus. Inualuit usus tota India exhibendi deliculis mulieribus & pueris cassiam solutiuam adhuc virētem saccharo conditam, ad vnciam vnam bono successu sumitur verò dum adhuc recens est & valde tenera, prius quā cortex induretur, maceratur primum in frigida aqua, antequam cum saccharo coquatur. Moderate & sine molestia aluum subducit.

\* Persicæ mali folia quodammodo æmulantur, si singularia separe. Quoniam verò coniugatim bina semper in oblōngo neruo nascuntur, & summa ala postremum, imparitatem faciens: commodius meo iudicio comparasset cum fraxini foliis aut similium arborum quæ alata folia ferre solitæ, ea integra abiicere consueuerunt, quemadmodum Juglans, Sorbus, Rhus, Ceratia, &c.

Huius arboris ramulo cum suis floribus & foliis Cuci, & Cedri fructu, aliisq. varijs generis seminibus ante biennium donati

donatis sumus à doctissimo diligentissimoq. viro D. Bernardo Paludano, qui ea ex Syriaca, Arabica, Aegyptiacaque sua peregrinatione retulerat.

## DE ANACARDIO.

MAGNA est Anacardij copia in Malabar, & reliquis <sup>Anacardij</sup> Indiae prouinciis. Fabæ vulgari admodum similis, dum ad-  
huc viret & recens est; exsiccatus verò niger & splendens:  
continet medullam Amygdalæ similem, inter quam & su-  
premium corticem oleum admodum vrens inuenitur.

DOCTOR Orta scribit eum fructum in usum me-  
dicum recipi, & in illis regionibus in lacte maceratum dari  
asthmaticis, & aduersus lumbricos: eum præterea viridem  
sale condiri, & edi oliuarum conditarum in morē: Ait  
etiam eo siccato caustici vice in strumis vti indigenas, to-  
taque India eius cum calce mixti usum esse ad obsignan-  
dos pannos.

EGO sanè vidi hunc fructum viridem, & per multos  
dies sale & aqua conditum, Oliuarum Hispaniarum mo-  
do, venalem in foro proponi, & edi non solum quidem,  
sed excitandæ appetentia causa coctæ orizæ admisceri, vti Mangas.  
solent fructum Mangas vocatum, aliósque fructus adstrin-  
gentes & acidos, alias minimè.

NON NULLI in desiccato extimum corticem de-  
munt, eāmque membranam qua medulla tegitur, deinde  
medullam edunt ad bibendi appetitum irritandum. Ego  
verò & virentem conditum, & siccatai medullam degusta-  
ui: sed neutro modo mihi delicatus videtur. Illud porrò cer-  
tissimū, oleum id quod inter corticem & nucleum contine-  
tur admodum causticum esse & venenosum.

TOTA tamen prouincia Malabar, eius usus est cau-  
stic rice. Si quis instillet in putridum & cauum dentem,  
ipsum urit frangitque, & corrumpit facile. Calce addita  
ad bom-

Oleum inde  
confatum.

Cuius sit u-  
sus.

44 CHRISTOPHORI A COSTA  
ad bombycinos pannos ob signandos, & alias res quaslibet  
notandas vtuntur: etenim notam adeo firmiter impri-  
mit, vt nulla lotione eximi queat.

Alix huius  
fructus fa-  
ultates.

SOLENT interdu Indi nonnulli hunc fructum cuspidi  
cultelli infixum candelæ ardenti imponere, qui, dum vritur,  
mirum quos strepitus edat, quas ignis scintillas quasi fulmi-  
na eiiciat diuersorum colorum, eaque ratione rudioribus  
quibusdam & mulierculis imponunt, illis persuadentes, se in  
ijs scintillis & flammæ radiis spiritus conspicere qui ipsis lo-  
quantur, & eos edoceant quodcumque scire cupiant. Tali  
igitur commeto miseros fallunt, persuadentq. quod volunt,  
dantes responsa ijs qui ipsos consulunt, pro suo arbitrio. Ut  
verò omnes isti gentiles, augures, incantores, & diuinato-  
res raro loquuntur, & cum mora ponderéque respondent;  
in suis responsis semper sunt ambigui, & adeo astuti, vt  
quomodocumque res, de qua cōsulti sunt, cadat, suam exi-  
stimationem minimè periclitentur, dicāntque seeuentum  
prædixisse.

## DE CAIVS.

Cajus histo-  
ria.

Caju.

Eius fructus  
descriptio.

MALVM Punicam magnitudine æquat hæc arbor;  
folium eius dilutius viret, & carnosum est: flos candidus, si-  
milis ferè mali aureæ flori, sed pluribus foliis constans, nec  
adeo odoratus. Præbet hæc arbor fructum Caju vulgo ap-  
pellatum, qui quoniam boni savoris est & ventriculo utilis,  
ab omnibus multum aestimatur.

EST autem hic fructus, magni mali instar, valde flavius  
& odoratus, intus spongiosus & succi plenus sine vllis gra-  
nis, gustu subdulci, nonnihil tamen fauces coarctante. Sed  
duplicem habet eodē anno ortum hac ratione: marcescēte  
flore subsequitur faba \* prægrandis, inter quam & florem  
intumescit quiddā malo simile, quod paulatim fabæ succum  
ad se pertrahit: quoque maius incrementum sumit, eð faba  
sue

*sive nux magis minuitur, donec fructus Caju, hoc est, malum illud, plenam consequutus sit maturitatem, quod è colore flavo aut rufo (nam uterque color in his malis conspicitur) & odore deprehenditur : maturo fructui inheret nihilominus faba illa, & cum ipso colligitur.*

BELLARIORVM vicem præbet hic fructus ex *Et utilitas.*  
vino sumptus, aut sine vino : nam præter saporis gratiam,  
utilis admodum compertus est in ventriculi debilitate, vo-  
mitibus, & appetentie deiectu. *Quiverò his auxiliis non*  
*egent, prius in aqua nonnihil maceratum edunt.*

NON vbique nascitur hic fructus, sed in hortis urbis S. Et natales,  
Crucis Regni Cochinchin inuenitur.

\* Mirari satis nequeo nostrum Auctorem huius nucis, quæ  
in extremo fructu nascitur, vel è qua, vt ipse refert, ipsum  
malum incrementum sumit & substantiam haurit, formam,  
colorem, consistentiam, & oleum in cortice conclusum (non  
secus ac in Anacardio) non describere; cùm apud Brasilianos,  
quibus *Caius* siue *Caious* (ita enim pronunciandum) dicitur,  
non minore fortè in visu sit, quam ipsum malum, vt ego de  
iis qui in Fernanbucho diu vixerunt intellexi, & in annotationibus  
ad caput de Anacardio historia Aromatum, adscripsi,  
ad quas lectorem remitto. Arbitror autem hunc fructum in  
regnū Cochinchin recens fuisse illatū, & propterea plenum eius  
volum nondum innotuisse. Certè quotquot hactenus de stir-  
pibus Indiæ Orientalis scripsierunt, nusquam eius memine-  
runt, nec ipse quidem D. G A R C I A S A B O R T A , qui  
paucos ante annos Aromatum historiam conscripsit.

### DE SPICA NARDI.

DE Piso veneno quod Lacuna commentariis in 6 cap.  
lib. 1. Dioscorid. scribit ex Nardo Indica fieri, nec D. Orta  
vnquam summa diligentia exquirens, nec ego, tametsi plu-  
rimos de eo percontatus sim, in India intelligere potuimus.

PRÆSENTISSIMVM quod apude eos est vene-  
nū, vocatur Bicho de Ormuz, id est, *Lacertus ex Ormuz,* Venenū La-  
certi ex Or-  
muz,  
qui

qui similis Scinco est, de quo & eius exitiosissimo veneno,  
& diabolica arte qua homines extinguere solent, refere-  
mus in libro Animalium. Secundum locum obtinet Man-  
ga silvestris, de qua inferius. Tertium quod è Tigridis pilis  
fit: Deinde quod è planta quadam lacteo succo plena, cuius  
magna nascitur quantitas in provincia Malabar. Sed &  
Napellus locum suum obtinet.

## DE RHABARBARO.

Rhabarbari  
natales.

Canta vrbis,  
portus &  
emporium.

De Rhabar-  
bari præpa-  
rati ratione  
quorundam  
error.

R H A B A R B A R V M singulare medicamentum,  
dignumq; veneratione apud omne humanum genus, in in-  
teriori Chinorum regione dumtaxat prouenit, vnde in vr-  
bem Cantan(nobilissimum totius illius prouincie portum &  
emporium, vbi Lusitani habitant,) exportatur, & inde nau-  
ibus in Indiam aduehitur. Alia item via ex eadem interiore  
prouincia Chinorum camelis deferunt per Tartariam &  
Vzbeque in Ormuz, & inde in Persiam, Arabiam & Alex-  
andriam, vnde postea vniuersae Europæ communicatur. Id  
non est adeò cariosum, & præfertur illi quod nauibus in In-  
diā importatur, eo quod magna ex parte corruptum est,  
facilè enim in ista per mare vectione vitiatur.

HÆC sunt quæ de Rhabarbari natalibus cōperta sunt,  
nec D. Orta cum insigni sua diligentia, nec ego plura conse-  
qui potuimus.

Q V O D verò nonnulli scribunt, eius regionis incolas  
Rhabarbarum macerare, deinde succum exprimere, è quo  
ad solem depurato, trochiscos parare soleat, Principibus vi-  
ris purgandis idoneos, nobisq; deinde radices exsuccas, &  
inutiles mittere, fabula est, quam inde originem sumpsiisse  
arbitror, quod nonnulli gentiles mercatores Rhabarbaro fun-  
gosiori & vetustiori (vt facilius à corruptione liberent, néue  
teredo que id erodere solet, innascatur) aquā nō feruentem,  
sed tepidam adsundat, deinde lineis pannis emundatum ba-  
cillis

cillis aut filo traiicant, & exsiccent, & nonnulla foramina piperis tenuissimè triti polline & cera obturent: deinde probè siccatum in Psyllij semine adseruent.

HÆC mihi retulit mercator Canarinus vir probus, sanc-  
tèque affirmabat ea dumtaxat fieri ad præseruandum à  
corruptione Rhabarbarum, addebatq; id rhabarbarum in  
quo conspiceretur foramen, quo traiectū pependisset, ea ra-  
tione præparatum fuisse, neque ideo improbari, neque affu-  
sam aquam multum de ipsius viribus detraxisse.

## DE RADICE CHINÆ.

VOCATVR hoc excellens medicamentum in China- Radicis Chi-  
rum regione Lampatan, in Decan Lampaos, in Canarin næ nomen-  
Bonti, ab Arabibus, Persis & Turcis Chophchina. clatura varia

NASCITVR abundantissimè in Chinorum regio- Eius natales.  
ne: inuenitur tamen etiam in Malabar, Cochin, Crāganor,  
Coulan, Tanor, & aliis locis.

PLANTA est multis tenuibus spinosisque sarmentis Eius descri-  
predita, smilaci asperæ non absimilibus, quorum maxima p<sup>ro</sup>lio.  
minimum manus digitum crassitie nō superant, foliis plan-  
taginis latifoliæ magnitudine: radices pugnū nonnunquam  
aquant, interdum minores sunt, solidæ, graues, candidæ, in-  
terdum etiam rubescentes, & multæ s<sup>e</sup>p enumerò simul co-  
harentes.

PLVRI MVS est huius radicis usus in omnibus Orient- Facultates,  
talis Indiae prouinciis ad varios morbos: quin adeò innoxia  
censemur, vt eam sumentibus, tametsi nullā victus rationem  
obseruent, sed liberè carnibus & piscibus vescantur, nihil in-  
commodi adferre credatur. Vulgaris tamen quæ in Chin-  
a Indiæ prouinciis obseruatur, sumēdi huius radicis decocti  
costitudo est, vt radicis vicia una, additis radicū Apij duab-  
us drachmis decoquatur lento igne & sine fumo; in decem  
& sex aquæ libris ad sex librarū consumptiōem reliquos de-

cem in fictili vitriato adseruant, sumuntq; singulis diebus recens decoctum, quoniam facile corruptitur, nec ultra diem adseruari potest. Eius verò tepidi manè sumit ager plenū haustū, duabusq; horis in lecto remanet, postea surgit, duabus autem horis ante cœnam totidem haurit, interdiu de eodem frigido bibt.

PLERIQUE tamen etiā dum sua negotia excent & nauigant singulis diebus manè & vesperi duas eius radicis in puluerē redacte drachmas ex vino, aut ipsius radicis decocto felici successu bibere solent.

ORGANIS etiam ex hac radice recenti, aqua elicetur, delicatioribus admodum familiaris: attamen & ab aliis magna quantitas absunitur, quoniam illi plurimum fidunt non modo in morbis à D. Orta enumeratis, sed etiam in hemicrania, in herniis humoribus, & ventosis, in collis vesicæ & penis callis, eorumq; ulceribus, venerē etiam admodum excitare creditur: decoctum tamen ipsa stillatica aqua præstantius est. Optimè conseruatur radix, si pipere confracto inuoluatur.

### DE CROCO INDICO.

Croci Indici  
historia.

MAIORA latioraque habet Crocum Indicum folia quam Orchis Serapias dicta, colore foliorum Scille, dilutiora tamen & tenuiora; caulem habet è foliis simul implicatis, & se se mutuo amplexantibus constantem: radicem foris Zingiberi similem, intus croceam.

PRÆTER nomina ab Orta enumerata, apud Arabes etiam Curcum dicitur, apud Turcos Saroth.

### DE GALANGA.

Duplex Ga-  
langa.

DPLEX est Galaga medicamentum usibus huma-  
nis valde necessarium, dignum q; ut Pharmacop. in officinis perpetuo habeant.

VNA

VNA minor & odorata, quæ cū Rhabarbaro ex Chinorum regione in Indiā aduehitur, & inde in Lusitaniam defertur, incolis Lauandou dicta.

Lauandou.

ALTERA maior, plurima nascens in Iaua & Malabar, cuius descriptionem, quod maiore sit in usu, hic damus. Ex duorum cubitorum altitudine crescit, nonnūquam amplior, fœcundiore præsertim solo: folia habet Orchidi Dioscor. lib. 3. descriptæ similia, longiora tamen & latiora, superne saturatius inferne dilutius virentia: caulem ex foliorum inuolucris constantem, ut in Orchidum generibus: florē candidum, inodorum: semen exiguum, neglectum: radicem secundū caput crassam & bulbosam, reliqua ex parte Zingiberi similem, sed maiorem, nonnunquam capitula, bastulæ regiæ modo, proferentem.

SERITVR radice quæ mirum in modū sese propagat.

APPELLATVR à Canarinis & Brachmenis (quibus maximo est in usu cùm in hominum tum iumentorum morbis, quique eam ordinariè cum Oriza, vel piscibus, vel in acetariis edunt) Caccharu, ab Arabibus Caluegian, in Iaua Lancuax, in Malabar Cua.

Nomina varia.

ADEO autem vulgaris est apud Malabarēses huius radicis usus, ut non modo in medendis morbis eam usurpent, sed in farinā etiam conuertant, ex qua Coccii seu nucis Indice lacte, nonnunquam Sura, aut Iagra excepta, certum quoddam panis genus pinsunt in tenuium placentularum formam, Apas vocant: in deliciis est hic panis, præbētq; iis qui ventriculi debilitate, & frigiditate laborant, in aliis doloribus, vteri affectibus & vrinæ difficultatibus: quo postremo in morbo miram eius efficaciā experiuntur, siue ob humores crassos & pituitosos, flatūsue aut arenulas in vretribus aut collo vesicæ congestas, vrinæ difficultas orta sit, vel etiam ex carnis excrescentia in ipso vesicæ collo aut meatiu[n]a. Præbent verò edendum hunc panem, deinde hau-

Eius usus &amp; facultates.

Nimpa.

stum Nimpa (quæ veluti aqua ardens est) concedunt; in  
inguinibus verò suprāque pubem & collum vesicæ, folia  
Nymphae decocta in aqua & macerata atque adhuc calen-  
tia applicant.

\* Neque hic auctor, neque Garcias ab Orta mihi satisfaciunt  
in Galangæ maioris descriptione, præsertim si ea, qua Euro-  
pæ officinæ utuntur, legitima est Galanga maior: etenim eius  
radices multo maiorem similitudinē habent cum Iridis, quam  
cum Asphodeli aut Zingiberis radicibus. Et certè omnino  
mihi persuadeo Galangam nostrā maiorem Iridis genus esse  
huic fortè simile quod in mea Pannonicarum stirpium histo-  
ria primum est. Nihil tamen statuo.

## DE ZINGIBERE.

Zinziberis  
descriptio.

TRIVM aut quatuor palmorum magnitudine assur-  
git, foliisq; est Milio maiori, quod Lachryma Iob vulgo nun-  
cupatur, admodum similibus; caule vero Asphodelini crassi-  
tie, ex multis foliorum inuolucris constans, ut veluti exigua  
quadam arundo appareat: radicibus quodammodo Iridi si-  
milibus.

## DE LIGNO COLVBRINO.

Dux ligni  
colubrini  
stirpes.

BINÆ stirpes in Malabar inueniuntur plurimum dis-  
similes cùm forma, tum nascendi modo, uno tamē eodemq;  
nomine nuncupatæ, Lignum Colubrinum, quod singulæ mi-  
rum in modum utiles sint aduersus colubrorum morsus.

Prioris hi-  
storia.

PRIOR nascitur hederæ modo, colore Dracūculi ma-  
ioris, sive Serpentariae: folia illi sunt Bryonia ferè similia,  
integratamen initio, neruoq; prædicta per longitudinem ex-  
currente, & quinque aut sex venis in latera vergentibus,  
successu temporis accedit exigua foramina, quæ paulatim  
cum foliis incrementum sumunt donec tandem omnino fo-  
lia scindant, eaq; vitis foliis similia reddant: conspicuntur  
enim interdum in eadem stirpe folia integra, alia exiguis,  
nonnulla

nōnulla maioribus foraminibus prædita, omniāque adeò inter se dissimilia, vt minimè eiusdem plantæ folia esse videantur. Tantam verò habet hoc lignum cum colubro similitudinem, vt qui nō norit, aut de die viderit, si ad Lunæ splendorem noctu cōspiciat, viuum colubrum esse existimet.

VULGO censetur præstantissimum remedium aduersus colubrorum & viperarum morsus: incolæ sanè, dum in agros tendunt, magna ex parte circumferre solent hoc lignum (sunt enim in ea prouincia multæ viperæ, variāque serpentum genera) aiuntque solo eius odore serpentes fugari: & si dum colubros venantur, eos attingere hoc ligno queant, illic rumpi & extingui.

ALTERA admodum brevis est & tenuis, triāque solummodo folia habet mollia, leuia, saturatiū virentia: florem aut fructum non conspexi, nec quenquam inueni qui se vidisse assereret: radix oblonga & tenuis est, minimo dito minor, hinc inde nonnunquam extuberans, & summatellare serpens: exterior eius cortex valde tenuis est & cinereus, nullo, dum gustatur, manifesto sapore præditus, deinde tamen gustum in ore relinquens suauem, & uti Moshus odoratum: fissus est vndique hic cortex, & sponte sese expedit ab alio crassiore flauoque cortice subtus nascente, qui odorem Loti silvestris siue trifoliij odorati vulgaris refert, & saporem Glycyrrhiza dulciorem: præmansus autem odore admodum suavi, nec iniucunda mordicatione, momentanea tamen præditus esse deprehenditur: ipsa matieres lignosa est, candida, dura & insipida: folia napis aporum referunt: germen producit hæc radix supra terram circiter quatuor vncias longum, in caput extuberans.

NOMEN huius plantæ apud Canarios est Duda Sali. Nomenclatura.

TRITA radix cum aquarosacea aut vulgari, vel cum vino (indifferenter enim vtuntur) præsens certumque asse-

runt remedium aduersus omnis generis serpentum morsus. Plurimus etiam eius est usus in febribus continuis, tertianisque, syncope, ventriculi debilitate, & cordis tremore: datumque aduersus omnis generis venena. Multi mihi sancte affirmarunt dummodo manu hanc radicem tenerent, nullos serpentes, vel alia similia virulenta insecta formidare; & certissimum esse serpentes & viperas eius aspectum minimè ferre posse, sed fugere, celerrimeque in aliam partem sese proripere, si quis ante serpentes eam proiiceret.

PER UTILIS etiam censetur iis quibus anhelitus ab ore vitiato aut dentibus corruptis fœtet, modo eam continuò mandant, dentiumque causis gestent.

Eius natales.  
PROVENIT locis humidis, & inter arbores, praesertim verò secundum eas quæ Angelins nuncupantur, nec procul à mari.

COLUBRINI ligni genus tertium.  
INVENTVR & tertium Colubrini ligni genus in eadem prouincia, vastæ arboris magnitudine, de quo in alio libro agemus.

\* Neutrum horum ligni colubrini generū cum GARCIAE ligno colubrino conuenire facile animaduerit, qui virtusq. descriptiones diligenter conferet. Secundi verò generis GARCIAE descripti fragmentum quinque unciarum longitudinis, quodque, ut coniicere licebat, duarum unciarum crassitudinem æquarat, mihi non modo ostendit Londini anno 1581. C. V. D. Hector Nunez Medicus Lusitanus, sed etiam dimidia eius parte liberaliter donavit. Eius porro materies firma est, candida, venis quibusdam distincta, non dissimilis fraxini ligno, cortex autem qui eam integit cädicens, & quasi cinereus. Utique verò, si quis degustet, amaro sapore prædicta esse deprehenditur. Eius fragmenti iconem lectoris oculis subieccimus.



## DE LIGNO MOLVCensi.

Ligni Molu-  
censis nata-  
les & descri-  
ptio.

Panaua.

INVENITVR in Moluccis arbor quædam domestica Malic cotoneæ magnitudine, cuius folia Malic vulgaris foliis sunt similia, fructus vero auellanis, sed minor, molliore cortice & nigricante.

SERITVR coliturque in hortis diligenter, nec alibi facile inuenias: tanti enim ab incolis estimatur, ut peregrinos ne ad eius quidem conspectum admittant.

INCOLÆ Panaua appellant. Cum vero istuc Regis nomine gubernaret prudetissimus & animosissimus Dominus Ludovicus de Tayde, ipsius nomine haec arbor dicta suit, quoniam ille primus nobis eius insignes facultates aperuit. Accidit enim ut nobilis quida Lusitanus, Henricus de Lima vocatus, dum in Moluccis versaretur, animaduerteret quanta cura & diligentia incolæ hanc arborem colerent, quantique estimarent, atque ideo illius facultates apprimè intelligere cupiens, nonnullas tandem edocitus est. Nactus igitur trunci huius arboris partem, eam obtulit Proregi, bonarū rerum, & naturæ secretorum studiosissimo, tanquam medicamentum valde necessarium, cognitique dignum, & nostris hominibus hactenus inauditum. Anno autem sexagesimo primo supra millesimum & quingentesimum interrogans me Prorex, an aliquid de hac arbore inaudisset, aliquot eius facultates retuli quas ab aliis didicisset, conquerens arborem nondum licuisse videre: tum ille eius quod habebat fragmento me donauit, imperans ut cum iudicio & ratione experirer, nec ullius vitam periclitarer, deinde rerum successum illi significarem: quod me facturum recepi. Eius itaque ligni periculum feci, cum in nonnullis egris quorum curam habebam in nosocomiis, tum in variis morbis qui in longa nauigatione plerumque oriri solent dum in Lusitaniam redirem; partim adiutus facultatum relationibus quas intellexeram,

lexeram, & vtendi methodo, partim iis qua Nobilis ille in Moluccis didicerat.

ILLIVS semen iam antè videram mihi donatum ad aues capiendum: etenim eo in aucupiis vtuntur non modo in illa regione, sed etiam in multis Indiæ prouinciis, ad quas, eius rei gratia, venale defertur. Eius pauxillum cum oriza coctum mixtum auibus silvestribus exponunt: quæ degustant, ilicò decidunt sopitæ & stupide; quæ vero audius id edunt, moriuntur antequam illis auxilium præberi possit, quod est, ut frigida caput perfundatur. Graculi omnium citissime eo degustato extinguntur.

NUNC ad salubrem huius arboris materiem accedamus, cuius pauxillum hodie plurimi facio.

INTVS sumptum, aut foris appositum, omnibus Aduersus venena pro-venenis resistit.

INTRO assumitur magno commodo ex aqua rosa-  
cea vel vulgari, auiumque iuscule eius pulueris apta quan-  
titas pro necessitate, & ægri natura, modo decem grana non  
excedat, sed infra id pondus consistat. Ad viperarum, Regu-  
lorum (qui serpentes pileati appellatur, & admodum noxijs  
sunt) aliorumque similiūm aspidum aut serpentum morsus,  
bibitur hic puluis ex aqua, ipsijsq; morsibus puluis insper-  
gitur. Eadem ratione præbent in vulneribus quæ à sagittis  
toxico illitis facta sunt, quibus illius regionis incolæ pluri-  
mum vtuntur.

PULVEREM vero ex hoc ligno sibi parant lima è Eius pulue-  
ris vsus.  
pelle marinæ canicula cōfecta, aut tenui aliqua ferrea lima.

ROBVSTISSIMO cuique dimidiis eius scrupulus  
ex aqua limpida tepida aut rosacea, aut gallinarum iuscule  
repente, summo manè datur (cœna autem diei præcedentis  
parca esse debet) euacuat enim omnes humores, præsertim  
crassos, lentos, & melancholicos: cōuenit quartanis, diutur-  
nis, febribus continuis, iliacis, colicisq; doloribus, flatibus, hy-

dropisi, arenulis, renum calculis, vrinæ difficultatibus, sauis-  
simæ colericæ passioni, aliisq; morbis, veluti articulorum &  
tibiarum inueteratis doloribus, scyrrhis & scrofulis. Om-  
nis generis lumbricos necat, & appetentiam deiectam reuo-  
cat: & si nimia fiat euacuatio, bibat æger dimidiū cyathum  
Canja, hoc est, decocti orizæ, aut auiculam comedat, subito  
cessabit, quod sanè multa laude dignum est, paucisq; medi-  
camentis vulgare, vt in potestate sit medici aut ægri, pur-  
gari quantum cupierit. Huc accedit quod neque fætorem,  
neque tedium, neque metum dum sumitur pariat, possitque  
sine diætæ obseruatione, etiam iis qui sua negotia foris pera-  
gunt, propinari, vti ex iis deprehendi qui vna mecum eadem  
naui vehebantnr, nullū sentientes incomodum, tametsi dum  
purgarentur nulla diæta vterentur, viuerentq; solutissimè.

Eius præsta-  
tia.

O B S E R V A V I etiam illius præstantiam in inuete-  
ratis capit is doloribus, hemicrania, apoplexia, aurium tinni-  
tu, arthritide, ventriculi & vteri affectibus & asthmate.  
Propterea fidens illi plurimum, saepius in diuersis naturis,  
& atibus & locis, feliciter vsus sum, & sine vlla molestia, nisi  
quod in biliosis naturis, calidisq; vetriculis non nihil molestia  
pareret donec cibum sumerent, & in nonnullis vomitum  
excitaret: sed biliosis hunc puluerem nonnunquam dedis-  
rupo acetoso aut carambola condita exceptum: aut in cata-  
potia cum saccharo rosato efformatum.

E X H I B E N D V S est summo manè, neque cibus aut  
potus concedendus donec purgati sint quantum necessarium  
videtur, tum demum cyathus iusculi gallinarum tepidi da-  
tur, dimidiaq; aut integræ hora post, conceditur pullus gal-  
linaceus, & paululum vini aqua bene diluti, deinde toto illo  
die potu abstinet ad cœnam usque, que parca erit, & facilis  
concoctionis. Subsequenti die sumitur saccharum rosatum  
cum aqua buglossi, aut borraginis, aut cōmuni, atque ini-  
citur clyster ad aluum eluendam.

S O L E T

SOLET verò interdum in nonnullis ani pruritum & excoriationem excitare, atque in aliquibus (sed paucis admodum) hæmorrhoides.

HÆC sunt quæ de hoc ligno Panaua confexi & intellecti: Nunc verò in illis regionibus magnus est eius usus, iunctaq; estimatio, ut sine metu in multis morbis supra enumeratis usurpent. Ego bis illud sumpsi in coli dolore & hecnicrania, mihiq; salutare esse deprehendi.

CETERVM cùm propter eius insigne facultates incole plurimi faciant, easq;, quantum in ipsis est, celare nos studeant, quæ proculdubio longè plures sunt quam quas nouimus, sperandum est temporis (quod omnia reuelat) successu reliquarum quæ nobis adhuc ignotæ sunt, notitiā nos consequuturos: easq; in libro quem pæ manibus habemus fileliter enarrabimus, si, ante quam in lucem prodeat, intellecterimus.

### DE MORINGA.

LENTISCI magnitudine est Moringa, cui persimilis habet folia: paucis prædicta est ramis, eamque ob causam exiguum præbet umbram, multis nodis scatet, adeoq; fragilis est, ut facilimè cùm ipse frutex, tum rami confringantur: folia saturatiū virent, viuidiq; sunt coloris; saporis veðoliorum napi: fructum fert pedalem, raphani crassitie, ut angulis insignitum, colore dilutiore inter viridem & cinereum, intus cæcidum, medullosum, & in certa receptacula distinctum, quibus continenter rotunda semina Erunt similiavirentia & admodum tenera, sed sapore quam folia acriore. Editur hic fructus cū carnibus coctus, aut alio modo paratus.

HIVS arboris radix Vnicornu, & lapidis Bezar vices supplet, veraq; theriaca est qua vulgo incole utuntur cùm aduersus omnis generis venena, tum morsus serpētium

D S maximè

Moringæ historia.

Eius usus & facultates.

58 CHRISTOPHORI A COSTA  
maxime noxiorum, vulgo Culebras de Capillo dictorum,  
aliorumque insectorum, & virulentorum animalium, cum intro-  
sumpta, tum foris applicata. In colerica quam vocat passio-  
ne singularis efficacie esse deprehendi. Miscetur remedium  
melancholicos humores purgantibus: & probè nota est Ele-  
phantiasi laborantibus, quorum plurimos, eius continuo usu  
sanari perhibent.

Eius natales. ABUNDE nascitur variis Indiae locis, sed praesertim  
tota prouincia Malabar, secundum flumen Mangate, ubi  
admodum luxuriat, multosque fructus profert, qui vulgo in  
foro venduntur perinde atque fabæ in Hispania.

Nomenclatura varia. ARABES & Turcae Morian appellant: Persæ Tame:  
Guzaratenses Turiaa.

#### DE LAPIDE BEZAR.

TAMETSÌ in altero libro, (quem De quadrupedibus,  
serpentibus, & avibus que in India inueniuntur, scribere  
speramus) de omnibus gemmis lapidibusque qui in medi-  
cum usum veniunt, simus acturi: placuit tamen hoc libro  
lapidis Bezar mentionem facere, quem, quotquot de eo  
scripsierunt, aut eo usi sunt, & adhuc utuntur, uno ore asse-  
runt maximum præstantissimumque esse antidotum ad-  
uersus omnia venena, non modo intro assumptum, sed etiam  
foris adhibitum.

Lapidis Be-  
zar qualitas & forma. INVENITVR hic lapis variae magnitudinis, formeque,  
& diversi coloris: nam sunt qui dūtaxat dimidiā drachmam;  
sunt etiam qui duodecim & quindecim drachmas pendent,  
quales ego conspexi; nonnullique adhuc maiores reperiri fe-  
runt: sunt præterea rotundi uti auellaneæ, alijs oblongiores ouï  
forma, aut columellæ, alijs triangulares, alijs sessiles una par-  
te, & gibbi altera uti castaneæ: postremè nonnulli sunt co-  
loris ex viridi nigricatis, alijs malibansi colore referunt, alijs  
obscurores sunt, alijs dilutius virēt, & nonnulli etiā flauescunt.

GENE.

GENERATVR iste lapis in ventriculis animalium  
hirci ferè similiūm, arietis prægrandis magnitudine, colore  
rufo, vti cerui propemodum, agili, & acutissimi auditus, à  
Persis Pazan appellato, quod variis Indiæ prouinciis, vti in Pazan.  
promontorio Comorim, & nonnullis Maluccæ locis, tum  
etiam in Persia & Corasone, insulisq. quæ à Vacca cognomen  
adeptæ sunt, inuenitur: similiter in Occidentali India, refe-  
rente Petro de Osma in epistola quam ad D. Monardis  
conscriptis.

VT verò differunt figura & colore hi lapides, sic etiam  
nonnihil pondere & substantia variant: etenim eiusdem <sup>Eius varie-</sup>  
magnitudinis video, alios aliis leuiores, alios aliis solidiores  
pluribusque aut paucioribus tunicis præditos, nonnullos etiam  
rsque ad centrum continuos, aliquos in quorum meditullio  
puluis quidam reperitur, alios in quibus aliquid herbæ siccæ  
simile, plurimos in quorum centro paleolam tenuem so-  
lummodo inuenias circa quam lapidem efformari quidam  
putant.

PRAEFERVNTVR autem Orientales, atque om-  
nibus Persici antecellunt. Sunt qui, referentibus nonnullis,  
huius lapidis puluere vtuntur singulis quindecim diebus, Huius lapi-  
existimantes eo medicamento partes corporis vitales, gene- dis puluis  
rationisque membra roborari. cuius sit v-  
sus.

ASSERVNT iis regionibus in quibus inueniuntur Animalium  
animalia, quæ istum lapidem generant, venatores adeò esse quæ hūc la-  
peritos & exercitatos, vt quænam animalia maiores lapi- pidem gene-  
des contineant, solo conspectu possint iudicare, aiuntque rāt, venato-  
ea animalia in quorum ventriculis maiores lapides latent,  
minus mobilia, agiliave esse, & lenta, subtristiique appa-  
rere. Interdum etiam extincta animalia inueniri, in quo-  
rum receptaculis lapides grandes sint.

PORRO horum lapidum tanta est aestimatio apud Huius lapi-  
gentiles & indigenas, vt dicere soleant: Licet Deus omnia  
dis præstatio-  
in homi-

60      CHRISTOPHORI A COSTA  
in hominum utilitatem crearit, dampnum tamen quodammodo esse, eum lapidem in alium usum conuertere, quam Principum & nobili stemmate progenitorum, quandoquidem in plebis usum lapidis Bezar loco, radicem Moringa crearit, de qua superiore capite.

### DE ARBORE TRISTI.

Arboris tri-  
stis natales  
& qualitas.

NON NVLLIS Indiæ locis, prasertim verò in Malabar, frequentissima nascitur Arbor quædā magnitudine & forma fere Pruni, multis praedita ramis tenuibus, & certa per spacia nodulo distinctis, è quo utrinque singularia folia enascuntur Pruni foliorū magnitudine, mollia & lanuginosa parte auersa, quemadmodum fere salviae folia, & viridia nonnihilq; aspera parte interiore, nō adeo serrata in circuitu, ut pruni folia, neque tam multis venis praedita. E singulorum foliorum sede nascitur pediculus quinque capitula summa sui parte sustinens, que quatuor foliolis subrotundis constant, è quorum medio quinque flores exiliunt candidi, elegates, Aureæ mali floribus magnitudine & figura pares, tenuiores tamen, elegantiores, & odoratiores, pediculo magis ad rubrum quam ad flavum colorem tendente, quo in illis regionibus edulia tingunt, quæadmodū apud nos vulgo fit croco: fructus magnitudine lupini est, virescens, cordis effigie, per medium secundum longitudinem sectus, continens in utraque parte quoddam receptaculum in quo semen occluditur, magnitudine seminis Ceratij siue Siliquæ, cordis effigiem retinens, album, tenerum, membrana subuirente tectum, nonnihil amarum.

Nomencla-  
tura varia.

VOCATVR hec arbor in Canarin Parizataco; in Malayo Singadi, in Decan Pul, ab Arabibus Guart, à Persis & Turcis Gul.

Odor.

RES est profecto obseruatione dignissima, conspicere hanc elegatissimā arborem nocte pulcerrimis, suauissimeq; olen-

olentibus floribus onustā & hilarem, & simul atque à Solis radiis illustratur, nō modò flores omnes in terrā abiucere, sed totam arborē cum suis foliis quodāmodo marcidā apparēre.

INTER omnes sanè quos vñquam odoratus sum flores nullum meo iudicio memini cum hoc comparandum, præsertim initio dum quis repente locum ingreditur ubi hæc arbor est consita: nam postquam manu contaci sunt, exiguus & euanidus est odor.

INDIGENÆ istos flores correficere cēsent, sed amari sculi sunt: nam recēter ex arbore collectos & in cibis degustavi, & nonnullam amaritudinem semper deprehendi. Gentiles etiam medici eius semen inter medicamenta corficientia recensent.

MULTI Proreges, tribuni, atque alij priuati hanc arborem in Lusitaniam transferre voluerunt, sed irrito conatu. Noui etiam quosdam qui semen commodo tempore collectum & maturum, vasculis figulinis vitratis atque bene obturatis, item argenteis, pyxidibusq; ligneis in Lusitaniam detulerunt, ibique cū omni cura & diligentia seuerunt, sed nunquam nasci voluit.

IN Malabar autem & Goa, locisq; vicinis cum tanta facilitate nascitur, vt quilibet rami in terram depacti comprehendant.

### DE NEGVDNO.

DV Æ arbores multis Indiae locis, præsertim verò provincia Malabar inueniuntur, in vsu medico adeò commen- Duplex Ne-  
datae, vt multis morbis utiles esse deprehendantur.

EARVM prior mas censetur, & à Canarinis Varalo Niguda appellatur, Amygdalæ magnitudine, foliis supernè virētibus, infernè hirsutis, foliorum Saluiæ modo; & in ambitu serratis, qua procul aspicientibus Sambuci foliis simili- Prioris de-  
scriptio &  
nomencla-  
tura.

### ALTERA

Alterius hi-  
storia & no-  
menclatura.

ALTERA Negūdo femina nuncupata, aut Norchi-  
la à Lusitanis, vulgo in Canarin Nyergūdi dicitur: in Ba-  
lagate Sambali; in Malabar Noche: utraq; verò tam mas  
quām femina Arabibus, Persis & Decan incolis Bache vo-  
catur, Turcis Ayt. Eadem magnitudine qua prior assurgit,  
folia verò habet ampliora, rotundioraque, neque in anib; tu-  
serrata, foliis Populi albæ per quam similia.

VTRIVSQUE generis folia Saluiam odore & sa-  
pore referunt: degustata tamen magis amara & acris  
deprehenduntur: in plurimis foliis parte auersa summo ma-  
nè inhærens conspicitur spuma quædam candida, quæ nocte  
ex illis emanat. Vtriusque flos cinerei coloris est, plurimum  
que ad Rorismarini florem accedit. Viriusque fructus admo-  
dum similis est piperi nigro, acris gustus quidem, sed mini-  
mè vrentis uti Piper, at Zingiberi propemodum paris.

ARBOREM moderate calidam faciunt, & semini  
paucis plus caloris tribuunt.

Facultates.

FOLIA, flores, fructus cōtusa, aut in aqua decocta, vel  
in oleo fricta vtiliter imponuntur omnibus doloribus ex qua-  
cumque causa prouenientibus: præsertim vero in articulo-  
rum doloribus ex frigida causa natis, atque in tumoribus &  
contusionibus, mirabiles præbet effectus. Ulceribus etiā ve-  
tustis folia trita imponuntur, felici successu, quādoquidem  
eorum materiā digerunt, eaq; emundant & ad cicatricem  
perducunt, modò corpus non sit impurum. Et sanè in vul-  
neribus, apostematibus & contusionibus adeò utilem expe-  
riuntur, ut chirurgorum operam minimè requirant.

Foliorū de-  
coctum.

MULIERES horum foliorum decocto omnitem-  
pore uniuersum corpus lauant; tantaque inuasit persuasio  
apud illas, Negundo folia, flores & fructus vtilia esse ad iu-  
nandum conceptum, ut cum qui contrarium persuadere co-  
netur, lapidibus obruturæ sint.

O B S T E-

OBSTETRICIBVS etiā quas illi Dayas vocant, <sup>Dayas.</sup>  
apprimè nota est hæc arbor.

A D E O frequens est huius arboris vſus ad medendum Huius vſus  
in illis regionibus, vt nisi Deus præcisos ramos multiplici fœ-  
tura renascifaceret, iam diu fuissent cōsumptæ arbores, aut  
certè maximi pretij nunc essent: Sed quo magis præcidun-  
tur rami, eò felicius renascuntur, perpetuaq; fronde virent.

## DE NIMBO.

ALIA est arbor medico in vſu admodum commenda-  
ta à Christianis & Gentilibus, reliquisq; earum Indie pro-  
vinciarum incolis, rara tamen admodum: sed qui eam co- <sup>Nomenclatura.</sup>  
gnoscant Nimbo appellant: Malabarenses Bepole.

MAGNITUDINE est fraxini, cui procul aspicien- <sup>Nimbo ar-  
tibus persimilis videtur: folia virinque viridia sunt, nec ab  
altera parte incana lanugine pubescunt, in ambitu serrata  
& mucronata: rami multis foliis luxuriat, floribusq; abun-  
dant exiguis, albis, quinque foliolis constantibus, flauis in  
medio staminulis, Lotiq; silvestris siue trifolijs odorati odo-  
rem referentibus: fructus est paruis oliujs similis, subluteus,  
cortice admodū tenui præditus, nasciturq; ex ramulorū alis.</sup>

HVIS arboris folia nonihil amaricāt, saluberrimaq;  
sunt trita & cum succo limonum imposita vulneribus for- <sup>Facultates.</sup>  
didis, cuniculosis, callosisque cùm hominum tum iumento-  
rum, digerunt enim, emundant, sarcotica sunt, & ad cica-  
tricem perducunt. Foliorum item succus perutilis est siue  
per os sumptus solus, aut ex vino, aut aqua, aut gallinæ iu-  
sculo, siue umbilico impositus solus, aut cū fellis bubuli mo-  
mento, aut aceto, aut aloë, ad necandos & expellendos om-  
nis generis lumbricos: quamobrem familiare admodum, &  
perquam salubre medicamentum est omnibus illius regio-  
nis incolis præsertim Malabar prouinciae, quoniam lumbrici  
valde sunt obnoxij. Magnus est etiam eorum vſus tum  
florusse

64      C H R I S T O P H O R I A C O S T A ,  
florum & fructus in articulorū doloribus, tumoribus, mem-  
brorum debilitate, & apostematibus.

Eius oleum  
neruorū do-  
loribus utile

O L E V M item ex eius fructu expressum, multo est  
in v̄su in neruorum doloribus. Eoque vulnera, neruorum  
puncturas, & contractiones curant Malabarenses.

Iacæ natales

N A S C I T V R arbor in nonnullis Indiæ insulis secun-  
dum aquas, quæ licet nullum medicum v̄sum præbeat, pro-  
pter amplitudinem tamen, & fructus elegantiam minime  
prætermittenda est.

Et nomen-  
clatura.

E A M Malabarenses Iaca: Guzaratenses Panax: Ca-  
narini Panasu: Arabes Panax & Iaca nuncupant: Persæ  
matato p. in f. Fanax.

Eius descri-  
ptio.

V A S T A est arbor, foliis palmaris amplitudinis pra-  
dicta, dilutè virentibus, neruo crasso & duro per longitudi-  
nem excurrente: malum fert non è germinibus aut foliorum  
sede, quemadmodum aliæ arbores, sed ex ipso trunko maio-  
ribusque ramis nascens, longum, crassum, obscurius virens,  
crasso duroque cortice tectum, vndique veluti adamantam  
cuspidoib⁹ septo, quæ in spinam breuem, viridem, nigrōque  
aculeo præditam desinunt, admodum similem Durionis spi-  
næ, sed minime acutam aut pungentem, tameſi minutari  
videatur.

H O R V M fructuum minimus est maxime cucurbita  
amplitudine atque etiam maior, præsertim in Malabar, ubi  
præstantiores nascuntur: nam qui in Goa proueniunt, mino-  
res & peiores sunt atque magis insipidi. Cùm maturus est  
hic fructus, bonum odorem spirat, eiusque duas differentias  
constituant: Unam Barca appellatam, & præstantiorem:  
alteram Papa aut Girasal dictam, minusque bonam: de-  
prehenditur postrema ex mollitie, quoniam si manu appre-  
bendas, digitis cedit. Præstantissimi vero fructus pretium

qua-

quadranginta maravedis non excedit, hoc est, paulò plus regali Castellano. Per longitudinem sc̄eti hi fructus, intus candidi, & densa carne prædicti apparent, ac veluti in capsulas aut receptacula diuisi, plena castaneis longioribus & crassioribus quām sint dactyli sive palmulæ, cinerea tunica tectis, & intus albis castanearum vulgarium modo, gustu terrestri & aspero, si virides edantur, multosque flatus generantibus: at si vti Hispanicæ castaneæ assentur, gustu sapido & venerem excitantibus, ob quam solam rem plebs frequentius vti solet. Sunt autem singulæ hæ castaneæ pulpa flauescente & aliquantulum lenta inuolutæ, & pulpam Durionis nonnihil referente, tametsi ab eo differat: grati saporis est, presertim quæ in Iaca Barca cognominata continetur, optimi Melonis pulpa admodum similis: durata- Eius facul-  
men concoctionis est, & admodum grauat ventriculum: tates noxiæ,  
atque, vt illarum prouinciarum medici aiunt, si in ventri-  
culo corrumpatur, noxios & venenosos humores generat:  
quig[ue] frequentius hoc fructu vescuntur, facile in pestilenciam illum & pessimū morbum Morxi appellatū incidentur. Morxi mor-  
bus.

## DE DURIONE.

FRUCTVS est in Malaca adeò grati saporis & odo-  
ris, vt reliquis qui in ea prouincia gignuntur, tametsi pluri-  
mis sint & boni, præferendi videantur. Cuius præstantia, &  
quoniam Doctor ab Orta illius etiā meminit capite de Da-  
tura, licet eum non vidisset, me impulit vt de eo scriberem  
tāquam oculatus testis, tametsi in medicina nullum locum  
obtineat.

Durio ubi  
nascitur.

VOCATVR hic fructus in Malayo (quæ prouincia  
est ubi gignitur) Duriaon: ipsius flos Buaa: arbor ipsa  
Batan.

Eius nomen-  
clatura.

PRÆGRANDIS est hæc arbor, materie valida & so-  
lida, crasso cinereoq[ue] cortice tecta, multis ramis luxurians,  
Et qualitas.  
E & copiosum

& copiosum fructum præbens: flores habet ex albo nonnihil  
flavescentes, folia dimidijs palmi longitudine, duorum aut  
amplius digitorum latitudine, in ambitu tenuiter serrata,  
parte externa dilutius virentia, interna vero saturiore vi-  
more, & quodammodo ad rufum tendente prædita: fructum  
Melonis magnitudine, de so cortice septu, eoq; multi breui-  
bus crassisq; & pungentibus aculeis horrente, foris viridi &  
veluti striis quibusdam quemadmodum Melo secundum longi-  
tudinem distincto: intus vero concamerationes quatuor se-  
cundum longitudinem habet singulas tria aut quatuor re-  
ceptacula continentes, quibus singuli fructus insunt admo-  
dum candidi uti lactis pingue, magnitudine oui gallinacei,  
gusto suauiore odoratioreque quam sit condimentum illud  
ab Hispanis Manjar blanco appellatum, non tamen adeo  
molles aut glutinosi: nam qui candore illo non sunt prædicti  
sed flavescenti, putridi sunt, aut aeris iniuria pluiae cor-  
rupti. Optimi censentur qui tres dumtaxat fructus in sin-  
gulis concamerationibus, deinde qui quatuor obiinent: nam  
qui quinque habent, improbi censentur, quemadmodum &  
illi qui fissuras aliquas habent: non solent vero in singulis  
malis plures quam viginti fructus contineri, iisque singuli  
inclusum habent nucleum, mali persici nucleo similem, non  
rotundum sed oblongiusculum, gusto insipido, qui que gut-  
tur exasperet, veluti mespila viridia, propterea non eduntur.

Eius fructus  
edendi ratio.

CALIDVS & humidus est hic fructus: & qui edere  
volunt, pede leuiter comprimere & frangere solent propter  
spin as quibus obsitus est.

QVI nunquam hos fructus ederunt, cum primùm illos  
olfaciunt, videntur putridas cepas odorari: sed postquam  
degustarunt, præ reliquis cibis bene olere & sapere censem.

Eius vires.

EST vero tanta in existimatione, apud eos qui gula  
dediti sunt, hic fructus, ut putent nemine eo posse saturari,  
propterea varia dant illi epitheta. Memini videre quadam

Epigram.

Epigrammata ab eleganti Poëta in laudem eius conscripta: quæ (si hic locus ferret ut adscriberentur) non dubito quin lectori plurimum essent placitura.

T A N T A tamen est huīus fructus in Malata abundatia, vt singuli non pluris quam quatuor maravedis ve- neant, præsertim mensibus Iunio, Iulio, & Augusto: nam reliquias pretium intenditur pro hominum arbitrio.

A D M I R A T I O N E porrò digna est Betele cum hoc fructu antipathia quæ profecto tanta est, vt si quis in nauem, Durionibus plenam, adesue aut concamerationem, ubi adseruentur aliquot Betele folia reponat, corrumpantur & putrescant omnes. Et, sic uix ex Durionum immodico esu ventriculus inflammetur & grauetur, folio Betele supra ventriculum imposito, subiùd mitigatur inflammatio, tumorq; tollitur. Et si à Durionum esu ingerantur aliquot Betele folia, nullam noxam sentiet, quantumuis multos ederit. Inde fit, tum etiam ob eius gustum suauem, vt vulgo dicatur, neminem eorum esu posse satiari.

Premium &  
æstimatio.

Eius mira  
cūm Betelē  
antipathia &  
facultates.

### D E M V S A \* S E V F I C V I N D I C A .

D E C E M & octo aut viginti palmorum magnitudine attollitur hæc pulchra & elegans arbor, cuius truncus ex multorum corticum sibi mutuo incumbentium cōiunctione constat, & humani cruris crassitatem adipiscitur, radice rotunda & crassa, Elephantorum grato pabulo: foliis nouem palmorum longitudine, duorum cum semisse latitudine, incruo satis crasso per longitudinem excurrente, & transuersis fibris in latera sparsis, parte superiore saturis, inferiore dilutioribus: ex huius arboris fastigio nascitur veluti thrysus quidam florum simul congestorum in modum pinei strobili coloris rufi: deinde unicum ramum fert humani brachij crassitie in multos nodos diuisum, è quorum singulis decem aut quatuordecim dependent fucus, ita ut non nunquam ra-

Museo histo-  
ria.

Eius variæ  
species.

*mus centenis aut ducentenis sicubus onustus conspiciantur.*  
*Hos in diuersas species distinguunt Lusitani provinciam*  
*incolentes: nam Cenorins appellat qui admodum flauent,*  
*læues, longiusculi, graticque saporis sunt, & odoratores:*  
*Chincapanoes verò qui virescunt nonnihil, longiorésque*  
*sunt, iisque etiam grati saporis. Laudantur præterea qui in*  
*Cofula nascuntur, Aethiopibus Inninga dicti.*

Nomenclatura.

LEGITIMVM autem nomen apud Arabes & Per-

sas (ut è præstante medico Persa in Ormuz nato intellexi)  
est Mous, non autem Musa aut Amusa: arboris verò

Daracht Mous. Reliqua nomina ex G A R C I A petēda.

Eius arboris  
scrēdē ratio.

SEMEL dumtaxat seritur hæc arbor; nam ex eius ra-

dice aliæ enascuntur: singula verò vnicum (quemadmodum

retuli) fructuum ramum gestant, qui, dum maturi sunt,

rescinditur, piantamque ipsam sponte exsiccati sinunt,

tanquam in posterum inutilem, aut amputant, in dome-

sticorum Elephantorum pabulum.

Eius usus.

NONNULLI interiora tenerorāque, antequam

explicantur, folia, florūmque thyrsūm pipere, Zingibere re-

centi, allio, sale & aceto condīunt, & capparū modo edunt.

Folia verò quoniam amplissima, mollia frigidāque sunt,

substernere ad accumbendum in aestu solent: & ambustis

nonnunquam imponunt. Ruellius huius fructus meminit ex

auctoritate Theophrasti & Strabonis.

\*Nemo meo iudicio accuratius hanc stirpem descripsit quam

Ouidius sub Platani nomine. Eius historiam Latinam feci-

mus, & scholiis in secundum G A R C I A E librum cap. de

Musa inseruimus.

### DE MANGAS.

Mangas hi-  
storia.

VASTA hæc est arbor & multis ramis prædita, fru-

ctumq; fert magna ex parte anserino ouo maiorem, non-

nullis interdum Indiae locis binas libras, aut amplius pen-

dentem,

dentē; in eadem verò arbore persæpe colore differentes isti fructus cōspiciuntur: alij enim dilutè virent, alij flauēt, quidam etiam ex viridi rubescūt: grati admodum saporis odo- risque est, & quando non est corruptus, duracinis persicis (quæ à carne firmiore flauaque Melocotonea vulgò ap- pellantur) præstat.

IN multis prouinciis nascitur, vti in Malabar, Goa,  
Guzarate, Balagate, Bengala, Pegu, Malaca, alijsq; Indiæ  
locis, & in Ormuz vbi reliquis præcellit. Natales.

NOMINATVR Mangas: in Canarin Ambo : à  
Persis & Turcis Amba : permanētque in arbore ab Aprili  
in Nouembrem usque interdum, pro locorū natura & situ. Nomenclo-  
tura.

EDITVR hic fructus in laminas sectus aut sine vino,  
aut vino maceratus. Conditur etiam saccharo ut commo-  
dius adseruari possit, atque interdum cultello aperitur, &  
in eius medulliū Zingiber recens, allia, sinapi, sal, cum oleo  
& aceto insperguntur, vt vel cum oriza edant, vel oliua-  
rum conditarum modo. Saliunt etiam & elixant, atque in  
forum venalem proferunt. Eius fructus  
edendi con-  
diendi, &  
conseruandi  
ratio.

FRIGIDVS & humidus est, tametsi vulgus cali- Facultates.  
dum constituat, & multas mordicationes in eorum qui  
vescuntur ventriculo parere affirmet. Quin & indigenæ  
medici calidum faciunt, & vituperant, dicentes serpiginem,  
erysipelas, biliosas febres, phlegmonas, & scabiem generare.  
Quod fortè accedit ab eius in ventriculo corruptione: sed  
eo tempore quo inuenitur hic fructus, propter immoderata-  
rum aestum, in similes morbos incident etiam nonnulli qui  
illo abstinent.

ANTEquam probè maturus sit, gustu adstringente  
est, & ea pars quæ ossiculo vicinior est, acerbior: sed matu-  
rus dulcis & sapidus est. Præduro putamine, vndiquaque  
tomento, aut duris fibris transuersim & oblique excurren-  
tibus operto tegitur nucleus longiusculus & crassiusculus,

90 CHRISTOPHORI A COSTA  
magnitudine iligneæ glandis, candidus & candida cute te-  
ctus, gustu amaro dum crudus est, ideoque aduersus lum-  
bricos & alii profluua vtilis: tostus verò ilagineas glandes  
sapit.

INVENITVR etiam huius genus sine ossiculo, pala-  
to admodum gratum.

Mangas sil-  
uestre aliud  
genus.

Et eius fa-  
cultates.

Natales.

Natales.

Eius historia.

ALIVD eius genus silvestre reperitur Māgas brauas  
nuncupatum, adeo præsentis veneni, vt indigenæ illo sese  
mutuo perimant: nam si quis paululum ederit, illico mori-  
tur: interdum oleum admiscent ad exacuendam eius vim,  
vt q̄z celeriorem perniciem adferat: sed quocumque tan-  
dem modo sumptum, adeo ceteriter perimit, vt hactenus  
nullum sit repertum antidotum ad eius vim compescēdam.  
Dilutè viret, & aliquantulum splendet, lacteo succo abun-  
dat, paucaq; carne præditus est, nam crasso cortice solum-  
modo integratur ossiculum prædurum & cartilagineum,  
Cotonei tamen mali magnitudine est.

PER vniuersam prouinciam Malabar prouenit co-  
piosè hæc arbor, domestica siue sativa minor, breuioribusq;  
& crassioribus foliis. Pueri his fructibus, aureorum malo-  
rum loco sese mutuo petere consueuerunt.

## DE ANANAS.

PEREGRINVS est hic fructus, & ex prouincia S.  
Crucis in Brasilia primū in Indianum Occidentalem, deinde  
etiam in Orientalem Indianam delatus, in quibus nunc uber-  
imè prouenit.

CITRII verò mali minoris magnitudine est, admo-  
dum flauus & odoratus cùm probè maturus est, adeo vt  
prætereuntes ex odore dignoscere queāt aedes in quibus sit:  
succulentus & gratissimi saporis, procul intuentibus cinara  
videtur, sed pungentibus aculeis caret. Singula stirpes Car-  
dui edulis magnitudinem æquant, vnicūque malum  
gestare

gestant in medio quasi caule, & circa eum multas alias proles, quarum nonnullæ etiam suo fructu præditæ sunt. Qui itaque fructus maturos colligunt, proles ilicò terræ mādare solent: è quibus singulæ deinde stirpes proueniunt suo malo onustæ, vti mater, quæ intra annum sp̄atium colliguntur. Eius radix carduo eduli per quam similis est, sed & folia non sunt dis̄paria, tametsi ad Ananas silvestris folia magis accedant, Vulgo Ananas vocant: Canarini verò Ananasa.

Cum primū in Indiam illatus est hic fructus, singuli decem ducatis, aut paulò amplius estimati sunt: nunc verò propter abundantiam (tametsi neque sapore neque odore primis cedat) vix duobus regalibus Castellanis veneūt.

HACTENVS in medicū vsum non est receptus, sed solummodo ob saporis gratiam commendatur. Calidus & humidus est, editurq; maceratus in vino vti Persicū malocitoneum, & facilis est concoctionis; nimius tamē eius v̄sus inflammationes parit quemadmodū Duriones Malacenses.

Si medius secetur, & partes denuo coniungantur, vniuntur vti cucumeres: perfossus verò cultello, si in vulnere vnius diei aut noctis spatio cultellus relinquatur, inuenietur tota ea pars quæ in vulnere hæsit absumpta.

\*Consule nostras annotationes in 2. lib. Aromatum Capite de Mangas,

### DE ANANAS SILVESTRI.

ALTIUS assurgit qui Ananas silvestris nuncupatur: namque truncum habet hastæ magnitudine lœuem admodum, rotundum & Malii aureæ crassitie, spinis horridum: folia spinosis cuspidibus prædicta, & per ambitum mollibus spinis septa. Singulæ arbores secundum radicem summatelure magnam foliorum comam fundunt, maiorum quām quæ in arbore sunt, quæq; procul intuentibus Aloës foliis si-

Ananas sil-  
vestris de-  
scriptio.

milima videantur, tenuiorum tamen, pluribus spinis horridorum, & dilute virentium: adnatis se propagat, alieq<sup>s</sup> stirpes ex aliis enascuntur, præsertim in sepibus & hortorum ambitu quos egre gie muniūt. Rami foliorum simul glomeratorum capita proferunt flauentium admodum, & tenerorum, suauissimi odoris, quæ nihil aliud sunt quam flos ipse: ex horum singulis spica prodit Arundinis spica non assimilis, sed crassior, compactior, & elegantior, odore Cedri. E ramis dependent fructus Ananas brauo, id est, Ananas silvestres dicti, quoniam cum domesticis nonnullam habeant similitudinem, Melonis magnitudine, coloris rubri elegantis & oculos oblectatis, toti in partes diuisi quemadmodum Cupressini strobili seu nuces exsiccatæ, sed tuberculis foris obsiti, ut procul spectantibus magni pinei strobili appareant.

C A P I T V M teneriora folia seu flores crudi eduntur  
Cuius facultatis sit. carduosq<sup>s</sup> sapiunt, sed exiguum alimentum præbent.

F R V C T V S (quem pauci degustant) sapore vt cumque suavi præditus est, ad strictionis tamen austera, & palato parum gratæ particeps.

S V C C I plena est tota plāta cum suis radicibus. Huius sex veloctō vncia ex saccharo summo manè sumptæ præsentissimum certissimumq<sup>s</sup> censentur esse remedium aduersus iecoris & renum calores, renum ulcera, purulentas vrinas, & penis excoriationem: nam magna ex parte post tertium diem sanantur.

V T I L E M etiam in diabete esse ferunt: at non sum expertus.

A R A B E S admodum laudant aduersus eosdem morbos & erysipelas; & Queura vocant, quem admodum in Deccan; Persæ Ananas, & Angali: florem (qui caput illud foliorum odoratū est) Arabes Chuxtaid, Persæ Pixcoxbuith dicunt: Turcis est ignota.

\*Habet hec plāta aliquot notas nō dissimiles Aloï Americanæ.

## DE CARCAPVLI.

CARCAPVLI Malabaribus, Garcapuli Canari-  
nis, vastae magnitudinis arbor est, fructum ferens malo au-  
reо cui cortex exemptus sit, magnitudine & forma similem,  
ex grumis omnino constantem, ( sed non separabilibus ab  
innucem ut in malo aureo,) tenui, leuique & splendenti corti-  
ce tectum, non admodum siccо, colore pallido, at ubi maturuit  
aureo: gustu admodum austero, sed quadam adstrictione grato.

Eo virtutur in cibis, magnaque apud incolas eius est laus in Eius usus.  
curationibus: sed inter omnes qua experientia comprobatae  
sunt primas obtinet profluvij alii cuiusque generis constri-  
ctio, in iis praesertim qui nimio veneris usu hoc malum con-  
traxerunt: editur vero aut ipse fructus maturus, aut eius  
succus cum oxygala sumitur, aut illius exsiccati puluis: cum  
oxygala autem mixtus & cocta criza, mirifice appetitum  
deiecit reuocat. Utiles etiam est eius succus, & exsiccati  
puluis in oculorum caliginibus & suffusionibus. Familiaris  
est eius fructus puluis obstetricibus, eum enim puerperis ex-  
hibere solent ad pellendas secundas, & ad purgationes, atque  
lactis uertatem praestandam, tum etiam ad facilitandum  
partum magna ut aiunt efficacia.

Succus eius cum aliis platis mixtus vngui maioris  
digiti pedis imponitur eodem latere quo quis aut caliginem,  
aut suffusionis initium in oculo habet, utilemque esse perhi-  
bent.

TRANSFERTVR hic fructus siccus ex Malabar in  
alias prouincias.

## DE CARAMBOLAS.

FRUCTVS quem Malabares & Lusitani Caram-  
bolas appellant, in Decā Camarix, in Canara Camarix &  
Carabeli, in Malayo Bolimba, & à Persis Chamaroch

E S dicitur;

Carambola  
historia.

dicitur; nascitur in arbore cotonea & magnitudine, foliis malis, paulo longioribus, coloris viridis saturatioris, & gustus americanus: floribus paruis quinque foliolis constantibus ex albo rufescens, nullo quidem odore gratis, sed aspectu elegantibus, & gustu oxalidis acetoso. Ipse vero fructus manusculi oui gallinacei magnitudinem aequaliter, oblongus, flavescentis, atque veluti in quatuor partes diuisus, sulcis illis paulo altius impressis magnam gratiam addentibus: in meditullio continet semina tenera saporis aciditate palato grata.

Eius usus.

MULTI usus est in medicina & in cibis: namque maturum exhibent in biliosis febribus, & saccharo conditum, syrupi acetosi loco præbent. Canarini eius succo, cum aliis medicamentis istic nascentibus, collyria parare solet ad oculorum nubeculas tollendas. Obstetricem (quaे illis Daya dicitur) vidi fructu sicco & in puluerem contrito, & foliis Betelie utentem ad secundinas à partu expellendas, fœtumque mortuum educendum.

EIVS etiam muria conditi frequens est usus, cum gratissimi sit saporis, & appetentiam excitet.

### DE IAMBOS.

ALIVS est in India fructus, qui ob aspectus eleganciam, suauemque odorem & saporem, tum etiam ob eius in medicina usum, dignus est cuius historiam hic apponam.

Iambos historia.

ARBOR vero quaे hunc fructum præbet, vasta est, maximam malū aureā quaē in Hispaniis nascatur aequaliter, multis ramis in latum expansis, multamque umbrā præbentibus prædita, aspectuque pulcherrima; caudex maioresque ramī cinereo cortice integratur: folia pulcherrima sunt, laevia, palmū aut amplius longa, crassiore neruo per longitudinem, multis autem obliquis venis in latera excurrentibus, parte superna saturatius, inferna vero dilutius virētia: flores ex rubro purpurascentes, vividi admodum coloris, multis staminibus

minibus in medio prædicti, aspectu pulcherrimi, gustu cā-  
precolorū vitis simili: Fructus magnitudine est pyri quod à  
Rege cognomen accepit, eiusq; duo sunt genera: unus enim  
adeo obscurè rubet ut niger videatur, magnaq; ex parte os-  
siculo caret, & succi bonitate præstat: alter ex candido ru-  
bescit, & ossiculum continet album, durum, non admodum  
rotundum, ossiculi quod in persico malo est magnitudine,  
læne, & candida hirsutaq; membrana tectum, qui licet su-  
periori bonitate cedat, dignus tamen est delicatissimorum  
etiam hominum palato; utriusque odor suauissimam rosam  
refert Frigidus & humidus est, & admodum tener, cortice  
adeò tenui & molli tectus, ut cultello auferri non queat.

ALTE suas radices terræ insigit hæc arbor, & post  
quartum annum fit fructifera: fructum sæpius eodem anno  
perficit, & nunquam sine flore aut fructu conspicitur, cum  
iidem rami floribus, fructu viridi & maturo semper ferè  
onusti sint, decidentibusq; quotidie floribus (sic ut solum  
rubro colore tinctum quandoque videatur) noui subnascan-  
tur, fructusq; alij primùm enascantur, alij maturescant, alij  
iam maturi colligantur. Succussa arbore maturi facile de-  
cidunt: comprehensi verò rami ad fructus colligendos, faci-  
limè ab arbore reuelluntur. Ante reliquos cibos initio mensæ  
edi solent atque interdiu.

MALABARES & Canarini hūc fructum Iamboli Nomenclatura varia.  
vocant: Lusitani istic habitantes Iambos, Arabes Tupha  
Indi, Persæ Tuphat, Turci Alma: Lusitani arbore Iam-  
beiro appellant.

FLORES & fructus saccharo cōdiri solēt, iisq; frequen- Facultates.  
ter vtuntur in biliosis febribus, & extinguenda sitis gratia.

### DE IAMBOLOINS.

HVIUS arboris materies cortice integitur coloris ferè Iamboloins  
historia.  
eiusdem cum Lentisci cortice; folia Arbuto similia habet,  
sed

76      CHRISTOPHORI A COSTA  
sed Myrti videntis foliorū sapore: fructus Cordubēsibus oiliis  
maturis similes, adstringentis gustus, & fauces cōtrahentis.

Eiusvsus.

N V L L V M vsum in medicina obtinent, sed eduntur  
cum Oriza cocta, nam appetentiam excitant.

V V L G V S Iamboloins appellat.

### D E I A N G O M A S.

Iangomas  
descriptio.

Natales.

Vsus.

A L I V S est fructus Iangomas nuncupatus, Sorbis fe-  
rè similis colore, & immaturis prunis sapore: quibus & ar-  
borem similem habet, (sed spinis obsitam) & folia & flores.

N A S C I T V R cùm spōte in agris, & in hortis etiam  
colitur.

F R V C T V S licet maturus digitis prius emoliendus est,  
antequam edi possit: attamen adstrictionem illam haud  
mediocrem, nequaquam adhuc deponit: eaq; de causa illius  
vsum est vbi adstrictione opus habent.

### D E M A L I S I N D I C I S.

Malorū In-  
dicarū histo-  
ria.

Eratum no-  
menclatura.

Prestantia.

M A G N A est arbor multis foliis & floribus prædita,  
& copioso fructu: folia minus rotunda sunt malis foliis, tam-  
etsi ea emulentur: supernè saturatè vident, infernè candi-  
cant & pubescunt vti Salviae folia, gustu adstringente: flo-  
res exigui, candidi, quinque foliolis constantes, inodori: fru-  
ctus iuiubis seu Zizyphis similes, alijs aliis maiores & suauio-  
res, nunquam vero tam probè maturescentes vt conseruari  
queant & in alias regiones træsferri vti zizypha, & perpe-  
tuò nonnihil adstrictionis retinentes: vnde colligitur mini-  
mè pectori vtiles esse quemadmodum zizypha.

H V I C arbori nomen est in Canara Bor, in Decā Ber,  
& in Malayo Vidaras, apud Lusitanos Mançanas de la  
India, id est, mala Indica.

P R A E F E R V N T V R fructus in Malacanati Mala-  
baricis: sed iis adhuc præstantiores quos Balagate profert.

C O N-

CONSPICITVR hæc arbor æstate alatis formicis  
perpetuò onusta, quæ in ramis eius Laccam elaborant.

## DE AMBARE.

CRASSA magnaque est hæc arbor, foliaque habet Ambare  
Iuglandis foliis magnitudine respondentia, sed non eius for- descriptio.  
me, dilutius virentia, & multis venis elaborata, quæ illis  
magnam gratiam addunt: flores exiguos candidos, fructus  
Iuglandis nucis magnitudine dilutius virentes, & cortice  
quam illa leuiore: odoris grauis & gustus acerbi dum adhuc  
virent, coloris vero flavi in maturis, gravioris odoris, & gu-  
stus grata aciditate commendabilis, medullam continentibus  
cartilaginosam & duram, è duris neruis obliquè intertextis  
constantem.

HANC arborem appellat Canarini Ambare, fructum Nomenclatura.  
Ambares, Persæ Ambereth, Turci Harb, Lusitani Am-  
bares quemadmodum Canarini.

PROPTER fructus grata aciditatē eū Omphacij Eius usus  
seu agrestæ loco cibis admiscent: maturum ex sale & aceto  
edunt, excitat enim edendi appetitū. Indi aduersus biliosos  
humores utilem esse perhibent.

SALE & aceto conditus diu conseruari potest. Eiuscondien-  
di ratio.

## DE DATVRA.

TRIA sunt huius plætæ genera, quorum quo frequen- Daturæ tria  
tius utuntur, primo loco describemus: eius enim adeò vulga- genera.  
ris est usus, ut paucæ sint meretrices, quæ inter sua neploriant  
illud non recondant, ob eas quas postea subnectemus causas.

PRIMVM Altheæ magnitudine caulem habet, nec Prioris de-  
admodum illi dissimilem, in plures tamen ramos diuisum: scriptio.  
folia cum magnitudinetum forma Stramonie foliis simili-  
ma, verùm magis in circuitu serrata, vt iferè Xanthij folia:  
flores albos, Smilacis laevis (quæ Hispani Correguela ma-  
yor

yor, hoc est, Convolvulum maiorem appellant) floribus omnino respondentes, fructum Stramonie, rotundum, nucem Iuglandem magnitudine aequaliter, viridi colore præditum, & spinis mollibus, minimèque pungentibus vnde septum, plenū semine Lenticulae simili, eiusdemq; coloris, cordis humani effigie, gustus amari: radice albā, raphani odore, quæq; si diu naribus admoueatur, sternutamenta ciet, cuius cortex non nihil amaricat, minus tamē eo qui caule & ramos ambit.

Natales.

NASCITVR umbrosis locis, & secundum aquas.

Nomenclatura.

NOMEN huic plātæ in Malabar est Vnmata caya, in Canara Datiro, apud Arabes Marana: apud Persas & Turcos Datula: apud Lusitanos Datura & la Burladora, hoc est, faceta.

Qualitas.

LITERATI plerique, atque etiā maxima pars Medicorum istic degentium, legitimā Nucem Methel Arabum esse censem, frigidamq; excessu tertio, & siccām secundi fine constituunt.

Facultates.

MALA inualuit consuetudo apud impudicas mulieres, vt huius seminis in puluerem triti dimidiam drachmam ex vino, aut alia quæ magis arridet materia præbeant: miser qui eum hausit diu velut mente alienatus remanet, aut ridens, aut eiulans, aut dormiens, plerumque etiam alteri colloquens & respondens, vt interdum etiam sana mente præditum esse credas, tametsi mentis non sit compos, neque eum agnoscat, cum quo sermones cōfert, & colloquiū habiti planè sit immemor, postquā ad se rediit. Sunt verò nonnullæ adeo exercitatae in hoc medicamento exhibendo, idq; sic temperare norunt, vt ad certas, easq; quot velint horas, quibus id propinant, mentem adimant. Multa sanè eius rei exempla, quæ vel ego ipse vidi, vel ab aliis audiui, huc adducere possem; sed cùm ad rem nihil faciant, prætermittenda esse duxi: illud solum addam, neminem qui simile sumpsisset, necatum vñquā comperisse, tametsi nonnullos confexerim

per

per aliquot dies perturbatos ferri, quod forte acciderat ob immodicam quantitatem exhibitam: quæ si fuerit nimia, interimit; quoniam hoc semen perniciosa qualitate non caret, licet Gentiles ad prouocandas vrinas cum pipere & foliis Betelæ id exhibere soleant, & perutile esse dicant. Ego vero nunquam obseruaui, nec experiri volui, cùm alia medicamenta ad eam rem utilia non desint.

PORRO si ad eorum qui hoc semen hauserunt curam Vites variae euocentur Hispani medici, medicamenta vomitum cœntia exhibet, ut quidquid in vetriculo habet reiiciant; acres deinde clysteres iniiciunt ad euacuandum, fortesq; ligaturas adhibent ad diuertendum, tum etiam cucurbitulas adponunt & venam secant. Gentiles vero medici & Christiani indigenæ cùm à cucurbitulis & venæ sectione abhorreant, nihil aliud quam vomitum prouocant, fortesq; ligaturas & fricationes adhibent, quæ si non sufficient, balnea ex aqua calida prescribunt ad eliciendum sudorem: porro à vomitu vinum propinant, cui piper & cinamomum admiscunt; in cibis vero audacieores sunt Hispanis: nāque euacuata materia gallinas edendas præbent, & vinum dulce aut passum exhibent.

RADICIS Daturæ drachma ex vino pota somnum profundum inducit, in quo varia insomnia, & miræ rerum facies obuersantur.

SEMINA vero per noctem in aceto macerato, deinde exactè trito utiliter illinuntur herpetes miliares & erysipela serpentia: nam breui sanantur.

RELIQVA duo genera facie & fructu superiori 11. & 111. ferè respondent, sed flores colore variant: etenim secundi flores, licet forma priori sint similes, colore tamē flavo sunt, & secundum pediculum nonnihil rubent: tertij flores hyoscyami floribus magis accedunt. Ceterū neutro ex postremis duobus virtutur, nisi ad necem inferendam. Nihilominus tamen

tamen Brachmenes medici ex secundi semine (quod floribus est flavis) catapotia faciunt, granorum piperis magnitudine, magnæ sanè efficaciae ad sistenda alii profluvia, quibus adiuncta sit febris ardens, atque etiam in dysenteriis: Fiunt verò hunc in modum catapotia.

Et seminis secundi generis drachmam vnam, piperis nigri & longi, sandali albi, atincar, radicum Bisa (adfertur ea ex Bengala & Patanne montibus) foliorum Bangue, singulorum dimidiam drachmā: omnia ista diligenter cum aqua terunt in marmore, quo pictores suos colores terere solent, deinde catapotia efformant, è quibus exhibent quantum commodum videtur.

**Nux Methelia est Stramo-  
nia fructus.** M E A est cum aliis plerisque opinio, vt nucē Methelia Stramoniae fructum esse credam, qui per omnia similis est fructui Daturae: atque si non nihil ab eo differt, id locorum varietati adscribendum censeo.

**Tatula.** \*Quantum ex Daturae primæ descriptione colligere licet, eadem est cum Turcorum qui Constantinopoli viuunt Tatula, cuius usus illis perquam familiaris est.

### DE BANGVE.

**Bangve** simile ferè est Cannabi cuius Dioscorid. lib. 3. meminit. Caulem habet quinque palmorum longitudine, quadrangulum, colore dilutius virente, fractu contumacem, nec adeò concavum, vt cannabinus caulis, cuius cortex nō minus quam illius in fila diduci potest: folia cannabina supernè virentia, infernè incana lanugine pubescens, gustu terrestri & insipido: semē cannabino minus, neque adeò candidum.

**Eius utilitas.** INDI semine & foliis ruscuntur, cum ut validiores irre verecunda fiant, tum ad excitandam cibi appetentiam.

**Compositio.** FIT ex hoc Bangue compositio vulgaris admodum usus in iis regionibus, ad varios effectus: etenim magnates & mil-

& militiae praefecti, vt laborum oblii, securius & liberius dormiat, seminis & foliorum in puluerem redactorū quantum videtur sumūt, illiq<sub>3</sub> addūt Arecam siue auellanam Indicam viridem, opij nonnihil pro arbitrio: omnia saccharo excepta deuorant: si verò in somno varias rerum species sibi obuersari cupiunt, addunt præterea selectissimam Camphoram, Caryophyllos, Nucem moschatam & Macis: si verò ad quid pre hilares esse volunt & faceti, & præsertim in venerem pro- cliviores, ambaro & moscho additiis saccharo excipient, & electarium faciunt.

MULTI mihi affirmarunt huius semen & folia ad libidinem ciendam miræ esse efficacie: vnde colligere licet, nihil affinitatis habere cum Cannabi; licet illi admodum similis sit, quandoquidem auctore Dioscoride loco suprà dicto Cannabis calida & sicca est, & genitiram extinguit.

DICITVR Arabibus Axix, Persis, Decan & plurimarum aliarum regionum incolis Bāgue; Turcis Asarath.

\*Sed & hoc Bangue plurimā affinitatem habere videtur cum Turcorum Constantinopoli degentium Maſlac: quo ad va-rios effectus vtuntur: nonnulli etiam vescuntur excitandæ veneris gratia.

### DE HERBA VIVA.

NONNULLIS Asia locis planta quedam inuenitur, Herba viua vulgo Herba viua nūcupata, à circumforaneis illis Iogues nomēclatura appellatis, Herba amoris, ab Arabibus & Turcis Suluc, & à Persis Suluque.

EXIGVA M habet radicem, è qua supra terram exi- Eius historia liunt octo ramuli duos digitos longi, foliis vtrinque in ordine digestis & inter se respondentibus onusti, quæ plurimum ad Erui tenella folia accedunt, nec dissimilia sunt foliis prioris Polypodij, cuius iconem Lacuna exhibit lib. 4. cap. 187. sed longè tenuiora, & vtrinq. letitia, & grato virore oculos pascientia, vti Tamarindorum folia: è medio radicis capite

exiliunt pediculi (nam caule caret) quatuor, singuli sumi florem sustinentes flauum, aspectu pulcherrimum minoribus Caryophylleis similem, sed sine odore.

Natales.

Mira eius  
natura.

*et qd. br.*

NASCITVR calidis & humidis locis.

A D E O mira est huius plantulae natura, ut eam humana ratio assequi nequeat. Nam cum maxime viret, gratissimaque est aspectu, si quis illam apprehendere cupiat, illico folia contrahit, atque sub tenues ramulos recondit; si vero apprehendat, subito adeo marcida conspicitur, ut exsiccati putet: sed quod maiore admiratione dignum est, si manu retrahat, illico suum nitor recuperat, & toties marcescit aut requirescit quoties comprehenditur, aut manus ab ea retrahitur.

M I H I autem relatum est Philosophum quendam in Malabar dum nimis curiosè huius plantæ naturam obseruare cupit, amentem esse reddiū. Plantā ego confexi, eamq; cum suo cessite, ipsam minime contingens, erui, & in horum quenda trastuli, ubi permanxit; at fatū minimum vidi.

Facultates.

I N T E R R O G A T I à me nonnulli indigenæ medici, an aliquas huius plantæ facultates perspectas haberent, illamq; in usum medicum adhiberent, affirmarunt utilem esse ad virgines corruptas in integrum (si credere fas est) restituendas & ad reconciliandum amorem mirae esse efficaciam. Gentilis medicus & pro ea regione satis doctus, cum adeo cupidum cognoscendi huius herbae facultates consiperet, ait, vnam se edocaturum adeo compertā & certam ut cervicē propignore deponeret, nisi eam sic se habere compiriē. Nempe ut illi cuiuspiā mulieris, qualisq; etiam status, nomine modo indicare, se effecturū vt illa in omnibus mihi obsequeretur, dūmodo ex ipsius præscripto herba vterer. Sed conditionem respui quandoquidē res adeo illicita esset. Nihil igitur aliud post diligentē inquisitionē de hac plāta intelligere potui, quam apud Gētiles, præsertim verò Brachinēnes Canarinos & Iogues in magna aestimatione esse.

Q y o-

QUODAM die mihi accidit plantas conquirenti non  
procul à flumine Mangate ut Gentilem quēdam humi se-  
dētem & verba quēdā obmurmurantē, tanquam oraret,  
fortè conspicerem; quē cūm compellassem, nihil respondit, sed  
meo interpreti quem comitem duxeram, manu dum taxat  
inuit: is hominem intelligens, celeriter sese inde proripuit,  
mēque secedere iussit, inquiens Gentilem illum incantato-  
rem esse cuiusdam illius regionis Capitanei quem Caymal  
appellant, & istic sortes iacere supra Herbam viuam, id fie-  
ri solere repurgato prius circa ipsam plantā solo ad hominis  
longitudinem, recitarique quēdam concepta verba, & ex-  
pectari primam auem aut rem animatam quae istam plan-  
tam prætergredere tur dū verba obmurmuraret, cuius san-  
guine (si comprehendi posset) perluenda esset, sin minus, al-  
terius eiusdē speciei, idq; cum multis ceremoniis, quas præ-  
termitto, cūm indignæ sint vt scriptis mandentur. Conspxi  
deinde istam plantam siccām inter supellectilem mulieris  
prostitute pudicitie.

\* Ea esse videtur quam Garcias libro Aromatū describit foliis  
Polypodij nullo nomine addito.

## DE HERBA MIMOSA.

ALIA planta inuenitur in quibusdam hortis quinque  
palmorum longitudinis, & vicinis arbustis aut parietibus in-  
cumbens, tenui caule, elegāti virore prædicto nec admodū ro-  
tudo, per interualla exiguis & pungētibus spinis obsito, foliis  
superioribus haud absimilibus, filicis feminæ foliis minoribus.

GAVDET humidis & petrosis: & Herba mimoso Natales.  
nuncupatur, quoniam manu admota senescit & marcescit,  
manu vero remota pristinum viorem recipit, sed non adeò  
celeriter vti prior.

NATVRAM habet plurimum ab Arbore tristi dif- Natura.  
ferentem: nam singulis noctibus Sole occidente senescit &  
siccatur quodammodo, sic vt contabuisse videatur: Oriente

verò Sole vigorem denuò recipit, quantoque Sol magis feruet, eò magis viret, totóque die folia ad Solem conuertit.

Odor & sa-  
por.

Vires.

Quibus cum  
plantis con-  
ueniat.

ODORE & sapore est Glycyrrhiæ: vulgoque ab in-  
digenis folia manduntur aduersus tuſim, ad pectus repur-  
gandum, & vocem clariorem: rēnum etiam doloribus utilis  
esse censetur, & recentia vulnera glutinat.

\* Multis notis hæc planta conuenit cum Fœnogrœco silvestri  
Tragi, siue Polygalo Cordi & Glycyrrhiza silvestri Gesneri,  
cuius folia & radices degustata Glycyrrhizam sapiunt: nam  
eius folia noctu interdū contrahuntur (quod in multis le-  
guminaceis plantis vsu venit) at spinis caret caulis, nisi pro  
spinis sumere libeat tenues illas & mucronatas appendices  
sed foliorum alatorum inhærentes.

#### DE PIN EIS NUCLEIS MALVCANIS.

Pineorū nu-  
cleorum de-  
scriptio.

ALITVR in hortis quibusdam Malabar, tum etiam  
in nonnullis siluis sponte nascitur Arbor magnitudine Pyri,  
cuius folia infernè diluto virore prædicta sunt, superne autem  
saturo, admodū tenella & mollia, que gustata valde acris  
deprehenduntur, & linguam diu velticant: fructus trian-  
gularis, auellanæ magnitudine, interius in multa recepta-  
cula distinctus, in quibus semen est album, solidum, rotun-  
dum, pineo nucleo suo putamine exempto par.

Eorum usus. EO fructu frequenter vtuntur Indi, cùm in curandis  
quibusdam morbis, tum etiam in suis nequitiis.

BINOS eiusmodi nucleos tenui membrana que illos  
concegit liberatos terūt, & clysteribus vulgaribus admiscet  
aduersus Sciaticam, & vrinæ difficultatem: seu propinant  
cum gallinæ iuscule ad educēdos putridos, lentos, crassosq;  
& frigidos humores, & asthmaticos curandos, aduersus  
quem morbum plurimum cōmendant, & frequenter vtun-  
tur. Ex aqua tritis impetigines inunctæ primū tamen di-  
ligēter confricatae & abrasae, probè & breui temporis spatio  
curantur: sed admodum vrunt, vt experientia didici.

IMPROBÆ etiam mulieres illarum provinciarum  
suis

suis maritis parum æquaæ, quatuor grana siue nucleos edendos præbent, vt eos interimant.

VULGO appellatur hic fructus Piñones de Maluco, Fructus nomenclatura-  
hoc est, pinei nuclei Malucani, quod istic frequētes sint ar-  
bores hunc fructum ferentes, multusq; & familiaris admo-  
duim sit illius usus in purgationibus: à Canarinis Gepalu.

## DE CHARAMEIS.

HVIN S arboris duo sunt genera: Vnum mespili am- Duo genera  
plitudine, foliis pyro similibus, dilutè virentibus, fructu auel-  
lanis simili admodū flavo, eleganter in multos angulos desi- Prioris de-  
nente, sapore omphacij, & grata aciditate, quem vel im- scriptio.  
maturum vel maturum vel sale conditū vulgariter edunt.

ALTERVM genus eiusdem est magnitudinis, foliaq; Alterius hi-  
habet malo minor a, fructum verò priore maiorem, cuius de- storia .  
cocto cum Santali aduersus febres vtūtur Canarini medici.

CRESGIT in silvis & motibus procul à mari disstis. Natales.

E primi generis quod secundum aquas nascitur, arbori- Prioris gene-  
bus, seligunt Decanini & Canarini eam quæ longius à ma-  
ri abest; eius radicis corticem (cui lacteus succus inest) qua-  
tuor digitorum longitudine sumentes cum drachma sinapi  
probè terunt, & asthmaticis exhibent: valenter enim pur-  
gat per aluum & vomitum. Quod si immodica subsequatur  
enauatio, Carabolas fructum vnum viride edunt, vel ace-  
ii Canarini haustū sumūt (quod nihil aliud est quam aqua  
decoctionis orizæ uno aut altero die reseruata donec ace-  
scat Canarinis aceti vices præbēs, & medicū usum præstans)  
&, si profluuum non cessat, agris caput frigida abluunt.

MAGNVS est horum Charameis usus in illis prouinciis, & ad orexim ciendā, edere solent immaturos, maturos,  
salitos, vel sale & aceto conditos. ut antè disci; aut aliis edu-  
liis quibus aciditatem conciliare volunt admiscent.

VOCANTVR in Canara, Decan, & vulgo Chara- Nomenclo-  
meis; Arabibus, Persis & Turcis Ambela.

## DE HERBA MALVANA.

Herba Ma-  
lucana hi-  
storia.

DVORVM aut trium cubitorum longitudinem adquirit hæc planta, nonnunquam etiam locis vberioribus & humidis, quinque cubitos superans, eleganti virore prædita, caule tenui, tenero, nonnihil concavo, imbecillo, & nisi vii Iasminum pergulis sustineatur, humi sese diffundente, quemadmodum hedera, & multos ramos spargente, qui subinde radices agunt ut Mencha & Melissophyllum, adeoq; serpunt, vt planta sola vel ramus transpositus breui temporis spatio magnum locum occupet: folia habet tenella & mollia, in ambitu serrata, magnitudine & forma Sambuci foliis respondetia: flore croceū Chamæli flori admodū simile, paulo tamē maiore. Toto anno viret & luxuriat.

Nomencla-  
tura.

VULGO nuncupatur Remedium pauperum, & destructio Chirurgorum; Canarini Brungara aradua appellant, id est, qua flore est croceo.

Vſus.

FREVENTER vtūtur cūm in Maluco (vnde primam originem traxisse creditur, quod istic abunde nascatur, & plurima admisceatur Chirurgicis remediis) tum in omnibus Indiae prouinciis, in quibus diligenter colitur, & in pretio habetur, nec iniuria.

COQUUNTVR huius plantæ folia in oleo, & cum ex eo vnguē cera inspissantur vnguenti modo: mirificè curat id vnguentum mirè est: tum omnis generis ulcera cūm recētia tū antiqua, etiam sanguinolenta, sordida, cuniculosa, maligna & putrida sint: miræ esse efficacie deprehendi in tibiarum vulneribus inuteratis, & recentibus vulneribus.

Alia huius  
stirpis vtēda  
ratio.

ALIA est præterea huius stirpis vtendæ ratio. Eius membranam illam tenuem quæ media est inter exteriem corticem & caulem, quæq; facile, vti in canab, reuelliatur: eam oleo nucis Indicæ madentem, ipsius plantæ foliis

foliis inuoluunt, & sub cineribus calidis recondunt: ubi in caluerit & emollita fuerit, conterunt, & recentibus cruentisq; vulneribus imponunt seu grandia sint, seu minora: & paucis diebus non sine admiratione conglutinant absque villa inflammatione aut apostemate: lenit enim dolorem, sanguinisq; fluxum cohabet; breuiter, nullo alio medicamento adhibito omnino ad cicatricē perducit: singulare etiā perhibent esse remediū aduersus neruorū pūctiones & vulnera.

E O D E M præterea modo adhibetur in apostemate Vires variae.  
aperto ad emundandum, carnem generandum, & ad cicatricem perducendum: item in inueteratis ulceribus & cuniculosis, in quibus ea solummodo trita interdū apponitur.

P O R R O quoniam ista remedia huius plantæ certissima sunt, vulgariter iis vtuntur in vniuersis illis prouinciis, & magna habet in estimatione: multi præterea alij qui inde nauigant vnguentum ex hac herba cum oleo & cera confectum, secum efferre solent, tantam fiduciam in eo collo- cantes, quasi omnia chirurgica remedia apud se haberent: itaque quacunque occasione in qua chirurgorum opera requiri posset, subiō ad vnguentum ex herba Malucana co- ffectum configiunt, tanquam indubitatum remedium.

Vnguentum  
omnia chi-  
rurgica re-  
media conti-  
nere credi-  
tum.

### DE SARGAÇO.

I N celebri illa nec minus metuenda nauigatione del Sargaço (sic enim totū illud Oceanis spatiū à decimo octauo gradu ad trigesimum quartum ab æquinoctiali ad Septen- trionē tendens, qui in Indias nauigant, appellant) conspicitur profundū & spatiōsum æquor tectū herba quadā Sarguaço nuncupata, palmum longa, tenuibus ramulis in glomos conuoluta, foliis angustis, tenuibus, & dimidiā vnciam longis, in ambitu admodū serratis, colore subrufo, gustu insipi- do, siue insensibili mordicatione prædicto, qui potius ex aqua salsagine cōtractus, quam ipsi plantæ immatus videatur. Ad

Vbi Sargaço  
inuenitur.

singu-

singulorū foliorū exortus inhæret semē rotundū ut granum piperis vani & vacui, tenui corallo albo, interdū autem corallo rubro & albo omnino elaboratū, tenerū admodū dum primum ex aqua educitur, & durū si exsiccati sinatur, sed propter tenuitatem admodū fragile, salsa aqua plenū. Nulla radix in hac planta conspicitur, sed sola ruptura vestigia apparent, atque in profundo arenosoq; maris alveo nasci, tenuesq; radices obtinere credibile est, tametsi nonnulli opinantur rapido aquarū quæ ex multis insulis in Oceanū influunt cursu, istā herbā euelli & simul trahi. Cūm eam opinionē pertinaciter tueretur Nauclerus illius nauis qua vebatur, subortaq; esset inter nauigandū hoc mare malacia, quantū acies oculorū extendi potuit, id vndique ista planta coniectum vidimus, demissisq; nonnullis iunioribus nautis qui eam herbā à navi propelleret, aquamq; repurgaret, aperte cōspeximus eius herbae glomos simul implexos ex alto mari emergentes, ubi demissa bolide nullus fundus tentari potuit.

Eius plantæ  
præstantia

Facultates

Hæc planta aceto & sale condita eiusdem saporis est cum Crithmo, siue fœniculo marino, & in eius penuria sumi posset; tum etiam Capparū loco à nauigantibus edi. Iussi illam recenter è mari sumptam capris quas in navi vebamus obiici, & audie sanè vescebantur.

NULLAS eius facultates comperi, sed quidam è nostris nautis vrina difficultate laborans, & arenulas crassosque humores eiiciens, crudam eam & coctam forte edit, quoniam illi bene saperet; paucos post dies affirmauit mihi magnum ex illius esu se sentire commodum, secumq; detulit, ut peracta nauigatione, in continenti vteretur.

Lenticula Ma.  
rina. \*Considerandum an non sit Lenticula marina serratis foliis nostri Lobelij cuius iconem inter marinas stirpes ad Observationum calcem exhibet.

F I N I S.